

四庫全書

子部

# 欽定四庫全書

子部

御定淵鑑類函卷一百七十六

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣高 中

謄錄監生臣王爾熙

欽定四庫全書

御定淵鑑類函卷一百七十六

禮儀部二十三

天子納后  
冊拜皇太子

冊妃嬪

天子納后一

原遂皇氏始有夫婦之道

人皇氏

伏羲氏制嫁娶以儷皮

為禮五帝馭時娶妻必告父母夏氏親迎于庭殷迎于

堂周制限男女之歲定婚姻之時

媒氏云婚姻之時即仲春之月

親迎

于戶

何休曰後代漸文而迎于戶示其親

六禮之儀始備天子聘女納徵

加穀珪

鄭康成云納微加于束帛賈公彥曰士以上皆用元纁束帛天子加以穀珪也

靈王求

婚于齊遣使

稱拜后

靈王求婚于齊大夫晏桓子對曰夫婦所生若而人姑姊妹則稱先

守其公之遺女若而人此則天子之命自得下達臣下之答徑自上通故遣使稱制拜后

魯桓公八

年祭公來遂逆王后于紀

祭公諸侯為天子三公者也王使魯主婚故祭公來受命

而迎也天子無外故稱王后矣春秋左氏說王者至尊無敵無親迎之禮諸侯禮合親迎有故則使上卿迎之也祭公迎之王后未至京師稱后知天子不行而禮成也公子翬如齊逆女春秋不譏知諸侯有故得使卿逆

公羊說天子至庶人皆親迎左氏說王者至尊無敵體

之義不親迎鄭康成駁之曰文王親迎于渭則天子親



迎也天子雖尊其加于后夫婦也夫婦無判禮同一體  
所謂無敵豈施于此哉禮記哀公問曰冕而親迎不已  
重乎孔子對曰合二姓之好以繼先聖之後以為天地  
宗廟社稷之主君何謂已重乎此言繼先聖之後以為  
天地之主非天子則誰乎是鄭以天子當親迎也杜元  
凱以為天子不親迎按春秋祭公逆王后于紀傳曰禮  
也劉夏逆王后譏卿不行皆不譏王不親行明是天子  
不當親迎也文王之迎太姒身為公子迎在殷代未可

據此以為天子之禮孔子之對哀公自論魯國之法魯

以周公之禮得郊祀上帝故以先聖天地為言耳非說

天子之禮 漢惠帝納后納采鴈辟乘馬束帛聘黃金

二萬斤馬十二匹 呂后為惠帝娶魯元公主女故特優其禮 平帝立王莽納

女為后以固權遣宗正劉宏尚書令平晏納采太師孔

光大司徒馬宮等四十九人賜皮弁素積 皮弁鹿皮為冠也素積以

十五升布為衣素積以為裳 以禮雜卜筮太牢告宗廟封后父百里

尊而不臣有司奏故事聘皇后黃金二萬斤為錢一萬

萬葬深辭讓受四千萬而以其三千三百萬予十一媵  
家有詔復益二千三百萬合為三千萬葬復以其千萬  
分予九族貧者遣甄豐奉璽綬拜帝母衛姬為中山孝  
王后四年春遣大司徒宮等奉乘輿法駕迎皇后于安

漢公第授皇后璽綬

顏師古曰綬所以繫璽

登車稱警蹕便時

取

時之便

上林延壽門入未央宮前殿羣臣就位行禮大赦

天下益封安漢公地滿百里賜迎皇后及行禮者三公  
以下宰執皆增秩賜金帛各有差皇后立三月以禮見

高廟尊父號曰宰衡位在諸侯王上

王莽篡位後聞劉伯升及聖公立為

帝莽恐欲外示安進所徵天下淑女杜陵氏女為皇后聘黃金二萬斤車馬奴婢雜帛珍寶以鉅萬計莽親迎

于前殿兩階間成同牢禮于西堂簡和嬪美御其和三人三位視公嬪人九視卿美人二十七視大夫御人八十

一視元士凡百二十人皆佩印綬執弓韜月令仲春后親祀高禘乃帥嬪御禮天子所御帶以弓韜授以弓矢

于高禘之前求男子之祥辨故祈之韜弓衣

後漢桓帝立明年有司奏太后

曰春秋迎皇后于紀在塗則稱后今大將軍冀女弟應

紹聖善結婚之際有命既集

桓帝為蠡吾侯梁太后徵欲與后為婚未及嘉禮會

質帝崩后即順烈皇后女弟

宜備禮進徵幣請下三公太常按禮儀

奏可於是悉依孝惠皇帝納后故事聘黃金二萬斤納

采鴈騂乘馬束帛一如舊典

周禮王者以穀珪此云騂形制雖異與玉同以乘馬

四匹也雜記曰幣一束五兩兩五尋每端二丈

靈帝冊宋貴人為皇后天子御

章德殿軒百官陪位太尉襲使持節奉璽綬皇后北面

帝南面太尉立階下東向宗正大長秋西向宗正讀冊

畢皇后拜稱臣任位太尉授璽綬中常侍長秋太僕高

鄉侯覽長跪受璽綬奏於殿前女使授婕妤長跪受以

授昭儀受長跪以帶皇后皇后伏起拜稱臣妾畢黃門

鼓吹三通鳴鼓畢羣臣以次出后即位大赦天下皇后

秩比國王即位威儀亦紱玉璽也

漢志乘輿黃赤紱四采黃赤繅紺純黃質

長二丈九尺九寸太子太后與乘輿同

魏制天子冊后以皮馬庭實加

穀珪齊王正始四年立后甄氏其儀不存 晉武帝咸

寧二年臨軒遣太尉賈充策立皇后楊氏因大赦賜王

公以下各有差百僚上禮太康八年有司奏大婚納徵

用元纁束帛加穀珪馬二駟羊鴈酒米如故

尚書朱整議按魏婚

故事天子以皮馬為庭實加之以穀珪

東晉成帝咸康二年臨軒遣使

持節兼太保領軍諸葛恢兼太尉護軍孔愉六禮備物

拜皇后杜氏即日入宮帝御太極殿羣臣畢賀

賀非禮也王者

婚禮禮無其制春秋祭公逆王后于紀穀梁左氏說與公羊又不同而沉漢魏遺事關略者衆晉武惠納后江

左又無儀注故成帝將納杜后太常華恒始與博士參定其儀據杜元凱左氏傳說主婚是供其婚禮之幣而已又周靈王求婚于齊先儒以為丘明詳錄為王者婚禮故成帝臨軒遣使稱制拜后然其儀注又不具存

康帝建元元年納后褚氏而儀注陞者不設旋頭殿中

御史奏今迎皇后依昔成恭皇后入宮御物而儀注至

尊袞冕升殿旋頭不設昔迎恭皇后惟作青龍旂其餘

皆即御物今臨軒遣使而五牛旗旌頭畢罕並出即用舊制今闕詔曰今所以正法服升太極者以敬其始故備禮也今何闕所重而撤法物耶又恭后神主入廟先帝詔后禮宜有降不宜建五牛旗既不設五旗則旌頭畢罕易具也又詔舊制旣難準且於今而備亦非宜法服儀飾粗令舉其餘兼副雜器停之穆帝永和十年臺符問六禮版文舊稱皇帝今太后臨朝當何稱博士曹耽云公羊傳婚禮不稱主人母命諸父為主

傳紀履綸來迎女不



稱使也無母辭太常王彪之云三傳異義不可全據今

皇后臨朝稱制文告所達國之大典皆仰稟成命非無

外事也豈婚聘獨不通乎六禮版文應稱皇太后詔彪

又曰天子嫁女使同姓之國為主者以受體於皇極則

有虧婚姻之敵禮至於迎后之制必禮成而後入雖復

戚屬之尊亦臣妾也天王之后寧可先之藩國然後入

主符又問今后還政不復臨朝當何稱彪之云當稱皇

帝詔升平元年將納皇后何氏彪之正禮始更大引經傳及諸故事

深非公羊婚禮不稱主人之義曰王者之於四海無不臣妾雖復父兄

之親師友之賢皆純臣也夫崇三綱之始定乾坤之儀

安有天父之尊而稱臣下之命以納伉儷安有臣下之

卑而稱天父之名以行大禮遠尋古禮於義不通按咸

寧二年納悼皇后時宏訓太后臨天下而無命戚屬之

臣為武皇父兄主婚之丈考咸寧故事不稱父兄師友

則咸康華恒所上合於舊也謂今納后儀制一依咸寧

故事從之

華恒定六禮云宜依舊及大晉已行之制此恒猶識前事故王彪之言從咸寧由此也唯

以娶婦之家三日不舉樂而咸康羣臣賀為失禮故但依咸寧上禮不復賀

其告廟六禮版

文等皆彪之所定

博士孫納云凡六禮版長尺二寸以應十二月博四寸以象四時厚八分

以象八節皆真書

納採用鴈一頭白羊一口酒十二斛

米十二斛

文曰皇帝咨前太尉參軍都鄉侯何渾元資始肇經人倫爰及夫婦以奉宗廟天地社稷

謀於公卿咸以為宜率由舊典今使持節崇德衛尉領太常彪之兼宗正散騎侍郎綜以禮納采后家荅曰皇

帝嘉命訪婚陋族備數采擇臣之先臣散騎侍郎準之遺女未嫺教訓衣履若人欽承舊章肅奉典制前太尉

參軍都鄉侯龔士臣何問名用鴈羊如前

文曰皇帝曰

琦頓首稽首再拜承制何兩儀配合承天統物正位於內必俟令族重申舊典今使持節某官彪之某官綜以禮問名后家荅皇帝嘉

命使者彪之重宣中詔問臣名族女父母所生先臣故光祿大夫雋要侯禎之遺元孫先臣故蔡州刺史闕內

侯惲之曾孫先臣故安豐太守關中侯廩之孫先臣故散騎侍郎準之遺女外出自先臣故尚書左丞孔胄之

外曾孫先臣故侍中關內侯夷之外孫女年十七欽承舊章肅奉典制前某官某侯冀土臣何琦稽首頓首再

拜欽承納吉用鴈羊酒如前何人謀龜從食曰貞吉敬

順典禮今使持節某官彪之某官綜以禮納吉后家答皇帝嘉命使者彪之重宣中詔太卜元吉臣陋族卑鄙

憂懼不堪欽承舊章肅奉典制前某官某侯冀土臣何琦稽首頓首再拜承制納徵用白羊一

口元纁帛二匹絳二匹絹二百匹獸皮二枚錢二百萬

玉璧一枚酒十二斛白米十二斛馬六匹文曰皇帝曰

何之族女有母儀之德窈窕之姿如山如河宜奉宗廟永承天祚以元纁皮馬羊錢璧以彰典禮今使持節兼

司徒光祿勳關內侯恪崇德衛尉領太常彪之以禮納  
徵后家荅皇帝嘉命使者某重宣中詔降婚卑陋命以  
上公寵以豐禮簡物典策欽承舊章肅請期用鴈羊酒  
奉典制前某官某侯云云再拜承制詔

米如初

文曰皇帝曰咨前某官某侯何謀於公卿大筮  
元龜罔有不臧率遵典禮今使某官彪之某官

綜以禮請期后家荅皇帝嘉命使者彪之重宣中詔告  
曰唯八月壬子可迎臣欽承舊章肅奉典制前某官某  
侯某再拜迎用鴈羊酒米如初

承制詔

文曰皇帝曰咨前某官  
某侯何歲吉月令吉日

唯某率由典禮以迎今遣使持節兼太保侍中太宰武  
陵王暉迎后家荅皇帝嘉命使者暉重宣中詔令月吉  
辰備禮以迎上公宗卿兼至副介近臣百兩螭蟻之族  
猥承大禮憂懼戰悸欽承舊章肅奉典制前某官某侯  
某土臣某謹因使者兼北齊皇帝納后之禮納采問  
某官某王暉上謹荅

名納徵訖告圓丘方澤及廟是日皇帝臨軒命太尉為使司徒副之持節詣后行宮東向奉璽綬以冊授中常侍皇后受冊於行殿使者與公卿以下皆拜有司備迎禮太尉太保受詔而行主人公服迎拜於門使者入升自賓階東面主人升自阼階西面禮物陳於庭設席於兩楹間童子以璽書版升主人升跪受送使者拜於大門外有司先於昭陽殿兩楹間供帳為同牢之具皇后服大嚴繡衣帶綬珮加幘音景女長御引出升畫輪四望

車女侍中負璽陪乘鹵簿如大駕皇帝服袞冕出升御座皇后入門大鹵簿位門外小鹵簿入到東上閣施步障降車席道以入昭陽殿前至席位姆去幪皇后先拜後起皇帝後拜先起升自西階詣同牢座與皇后俱坐各三飯訖又各醕二爵一盞奏禮畢后興南向立皇帝御太極殿王公以下拜表謝又明日奉栗棗脯脩見皇太后於昭陽殿擇日羣官上禮又擇日謁廟皇帝使太尉先以太牢告而後徧見羣廟

通典

增唐開元禮皇帝

納后卜日告圓丘方澤如時巡告祭儀其祝文臨時撰  
將行納采命太尉為使者宗正卿為使副前一日設幄  
座於太極殿太樂令展宮懸於殿庭乘黃令陳車輅尚  
輦奉御陳輿輦皆如元日儀其日諸衛勒所部列黃麾  
仗羣官依時刻集朝堂俱就位皇帝服袞冕出即御座  
侍中宣制曰納某官女為皇后命公等持節行納采等  
禮黃門侍郎引主節以節授使者中書侍郎引制書案  
取制書授使者使主副出乘輅備儀仗而行鼓吹備而



不作至於后氏大門外主人受於廟無廟者受於正寢  
掌事者設神席於室戶外之西使者入由西階升於兩  
楹間南面使副在使者西南主人升阼階詣使者前北  
面使副取制書進授使者使者曰有制主人再拜使者  
宣制畢主人降詣階前北面再拜稽首進受制書退以  
授左右使副取鴈以授使者主人再拜進受鴈退以授  
左右僎者引表案取表以授主人主人進授使者退復  
位再拜使者及使副等降自西階出立於內門外復奉

制問名主人受鴈如納采儀禮畢主人請禮從者掌事者徹几改設二筵降筵掌事者牽馬奉幣篚使者西階上俱北面再拜主人奉幣篚授使者及使副還東階上北面拜送几六禮制書皆以版長一尺二寸博四寸厚八分后家答版亦如之 納吉如納采儀納徵日使者及使副至后氏大門外執事者入布幕於內門外元纁束帛陳於幕上六馬陳於幕南執事者奉穀珪以匱掌事者設几筵如初主人受制書訖左右受玉帛及馬於

庭其儔使者如納吉之儀 請期改為告期制文曰今

使持節某官以禮告期其禮如納采儀 冊后先期有

司以特牲告廟祝文臨時撰前一日守宮設使者次於

后氏大門外之西尚舍設尚宮以下次於后氏閣外其

日臨軒命使如納采之儀 太尉為正使 司徒為副使 奉禮設使者位

於大門外之西東向使副及內侍位於使者之南舉冊

案及寶綬者在南持節者在使者之北使副乘輅持節

備儀仗鼓吹備而不作內僕進重翟以下於大門之外

諸衛令其屬布后儀仗使者曰某奉制授皇后備物典冊主人出迎於大門外使者入門而左持節者前導奉冊寶案者進授使副內使受之內謁者監持入跪置於案尚宮曰有制后再拜宣冊又再拜尚宮授后以冊受以授司言尚服又授以寶綬受以授司寶禮畢命使奉迎其日晡後侍中量時刻奏請皇帝服袞冕出升殿文武官五品以上立於朝堂如常儀使主副朝服發朝堂乘輅持節備儀仗至后氏大門外使者降輅掌次者

天殿受冊用儀仗鼓樂迎冊寶至文華殿行禮畢持節  
官持節復命是日皇太子具冕服儀仗詣太廟行謁告  
禮畢至左順門上具皮弁服御奉天殿皇太子謝恩還  
至右順門皇后具燕居冠服升內殿皇太子於內殿丹  
陸行禮親王世子郡王賀中宮畢於太華殿賀皇太子  
是日皇太子詣武英殿見諸叔行家人禮四拜諸叔西  
向坐受見諸兄行家人禮二拜諸兄西向立受次日文  
武百官進表箋慶賀 宣德二年上以皇太子尚幼冊

司言受以奏聞尚儀奏請皇后再拜主人升自東階進  
誠之母誠於西階上施衿結帨腰與進皇后升與以降  
尚宮前導六尚以下侍衛如常皇后升重翟以几姆加  
帔 其日內侍設皇后大次於皇帝所御殿門外之東  
將夕尚寢設皇帝御幄於殿室內之東鋪地席重茵施  
屏障初昏尚食設盥洗及篚各二饌於東房西牖下搏  
於室內北牖下加四爵合盞皇后重翟入大門鳴鐘鼓  
其鐘鼓所司先陳設從永巷至大次前降車入就次嚴  
鳴之所以聲告中外

整訖尚宮引皇后詣殿門外之東尚儀奏請降座禮迎  
皇帝降座詣門內揖后以入導后升西階入室尚食以  
饌入皇帝揖后對席坐皆祭皆食三飯卒食尚食盥手  
洗爵於房入室詣酒罇所酌酒進授帝后各祭酒飲訖  
尚儀進受虛爵奠於牀再醕如初三醕用盞如再醕禮  
畢皇帝入東房釋冕服尚宮引皇后入幄脫服 皇后  
至宮之日服展衣出尚宮前導升正殿兩楹間北面立  
尚儀以謝表授皇后皇后置表案上再拜尚儀以表降

殿授內侍因中書以聞 朝皇太后日皇后服褱衣加

首飾至皇太后閣外皇太后服褱衣首飾即御座皇后

執筭棗栗脯脩升西階北面再拜跪進奠於皇太后座

前皇太后撫之尚食進徹皇后退又再拜司設設皇后

席於戶牖之間尚食盥手洗解酌醴皇后進北面再拜

受醴尚食薦脯醢皇后升席坐左執解右祭脯醢以柶

祭醴三降席北面跪啐醴興再拜自西階出

文獻通考

宋

初立后妃皆不行冊禮自雍熙後乃寫告身用金華羅



紙金塗標袋有司進入近臣牧伯皇親皆脩貢禮為賀

宋舊制后妃皆寫告進入景祐元年九月甲辰立皇

后曹氏命禮院詳定冊皇后儀注

乙巳命宰臣李迪為冊禮使參政王隨副

之禮院言皇后玉冊如太子制度用珉簡五十寶用金

方一寸五分高一寸文曰皇后之寶盤螭紐服以禕衣

大帶玉珮雙綬十一月己丑

是日冬至

行冊禮於文德殿不

立仗不設懸 治平二年十一月壬申祀圓丘大赦還

御文德殿發寶冊上皇太后及冊皇后

以上玉海

元祐五

年八月太皇太后詔以皇帝納后有期令太常禮官檢  
詳古今六禮沿革參考通禮典故具其節文著為成式  
者先是太皇太后諭宰臣呂大防等曰皇帝將納后天  
聖景祐故事止降進冊未嘗御殿禮甚簡略大防等請  
退而討論遂降是詔又詔翰林學士御史中丞兩省給  
舍與禮部太常寺官同詳議六年八月三省樞密院言  
納后六禮命使納采問名納吉納成告期差執政官攝  
太尉充使侍從官或判宗正官攝宗正卿充副使以舊

尚書省權為皇后行第納采問名同日次日納吉納成  
告期納成加穀珪請期依開寶禮改為告期納采前擇  
日告天地發冊命使差宰臣攝太尉執政官攝司徒前  
一日告宗廟親迎依開寶通禮改為命使奉迎差宰臣  
攝太尉執政官攝司徒皇帝臨軒與冊禮使副同日遣  
令文武百官詣行第班迎其日皇后服褱衣乘重翟車  
鹵簿以禮令由宣德門東偏門入文臣大卿監武臣正  
任刺史以上宣德門外班迎詔從之時給事中范祖

禹言臨軒發冊命使奉迎及皇后入內皇帝皆服通天冠絳紗袍於禮未隆請並服袞冕以重大昏之禮翰林學士范百祿言昏禮下達匪媒不克今采擇先定有命既集而形於麻制以后氏族宣告外庭方且遣使齎制行納采問名之禮則禮文顛倒失先後之序請以降詔之日行納采問名之禮宣制之日行納吉納成告期之禮皆不從既而禮部太常寺言五禮命使據開元禮納采問名合用一使納吉納成告期各別日遣使今未

委三禮共遣一使或各遣使文武百官詣行第班迎丈  
臣大卿監武臣正任刺史以上宣德門外班迎緣至日  
行第門外已設皇后車乘儀仗逼隘不容百官車馬其  
文武百官欲並於宣德門外立班奉迎按士昏禮用鴈  
所以為贄也又按曲禮凡贄天子鬯鄭康成謂天子無  
客禮以鬯為贄者惟用告神今已據周禮用穀珪聘后  
欲更不用鴈文德殿發制欲依發冊例立仗或正用月  
朔視朝仗百官朝服詔納吉納成告期令各遣使文德

殿發制依發冊例立仗餘並從之

文獻通考

政和元年正

月詔皇后受冊陳黃麾仗重翟車小駕鹵簿 紹興十

三年閏四月己丑立貴妃為皇后詔左相押麻十三日

太常定受冊儀注列黃麾仗於文德殿皇帝服通天絳

紗臨軒發冊奏乾安之樂皇后褱衣受冊於穆清殿奏

坤安之樂

乾安正安坤安等共十三曲

十七日甲辰行冊禮於文德

殿設黃麾半仗用宮架樂百官稱賀次詣內東門賀淳

熙三年九月己巳上儀注同 隆興元年十一月立皇

后不設大輦用黃麾半仗陳逍遙平輦紫方纒十團扇

十二謁德壽宮乘龍飾肩輿

以上  
玉海

遼納后擇吉日至

日后族畢集詰旦后出私舍坐於堂皇帝遣使及媒者  
以牲酒饗餼至門執事以告使及媒者入謁再拜立少  
頃進酒於皇后次及后之父母宗族兄弟酒徧再拜納  
幣致詞拜訖后族皆坐惕隱夫人四拜請就車后辭父  
母伯叔父母兄各四拜宗族長者皆再拜皇后升車父  
母飲后酒致戒辭徧及使者媒者送者發軔伯叔父母

兄飲后酒如初教坊遮道贊祝后命賜以物后族追拜  
進酒遂行將至宮門宰相傳敕賜皇后酒徧及送者既  
至惕隱率皇族奉迎再拜車至便殿東南七十步止惕  
隱夫人請降車負銀罍捧膝履黃道行後一人張羔裘  
若襲之前一婦人捧鏡却行置鞍於道后過其上乃詣  
神主室三拜南北各一拜酌酒向謁者一拜起居訖再  
拜次詣舅姑御容拜奠酒選皇族諸婦宜子孫者再拜  
之授以罍膝又詣諸帝御容拜奠酒神賜襲衣珠玉佩



飾拜受服之皇族迎者后族送者徧賜酒皆相偶飲訖  
后坐別殿媒者傳旨命送后者列於殿北俟皇帝即御  
坐選皇族尊者一人當輿坐主婚禮引后族之長率送  
后者陞當輿者與媒者行酒三周命送后者再拜皆坐  
終宴翼日皇帝晨興詣先帝御容拜奠酒訖復御殿宴  
后族及羣臣皇族后族偶飲如初百戲角觝戲馬較勝  
以為樂又翼日皇帝御殿賜后族及賸送后者各有差  
皇帝御別殿有司進皇后服飾之籍遼冊后儀至日

臣僚及内外命婦詣端拱殿幕次皇帝臨軒命使發冊使副押冊至端拱殿門外皇后出閣升座命婦合班面殿起居皇后降坐至殿下褥位引冊入讀冊官跪讀皇后各四拜命婦陪位者皆拜皇后升殿命婦稱賀班首上殿致詞侍中宣荅訖班首上殿進酒皇后賜押冊使副等酒 金天德二年十月九日冊妃圖克坦氏為皇后前一日儀鸞司設座勤政殿皇帝服通天冠絳紗袍即座使副就受命位侍中宣制曰命公等持節授后冊寶

先是有司預備太尉司徒本等革車鹵簿於門外俟使  
副出鼓吹振作有司預供帳泰和殿設皇后座於殿前  
又設受冊位於殿庭皇后常服乘龍飾肩輿至泰和殿  
後閣俟冊使庭中立更禮服內侍閤門官引后出閣降  
自西階左右步障繖扇從至階下望勤政殿御閤所在  
立宣制再拜中書令侍中及舉捧官奉冊寶自東階升  
並置於殿之前楹間去帕及蓋后又再拜捧謝表官以  
表進后再拜以表付閤門官隨冊使行使副至御閤所

在復命閣門官進表近侍接入后自西階升殿中書令  
讀冊侍中讀寶畢后升座合班再拜出閣門引內外命  
婦陪列者以次進賀禮畢歸閣更常服宣外命婦入會  
別日會羣官會妃主宗室等十一日朝永壽永寧兩宮  
元冊后儀前期儀鸞司設發冊寶案於大明殿御座  
前掌謁設香案於皇后殿前設冊寶案於座榻前設受  
冊寶案於座榻上至期大昕引贊敘太尉以下於闕庭  
各公服皇帝入大明殿升座殿前班起居如儀禮儀使

奏請發皇后冊寶謁者捧冊寶跪進捧冊寶官跪受禮儀使引節導冊寶由正門出自露階南向立宣制太尉以下皆再拜方與昇以行太尉及冊寶官奉隨至皇后宮庭皇后出閣詣褥位太尉稱制遣臣某等恭授皇后冊寶內侍贊后三上香再拜后陞殿立於座榻前承奉班都知唱太尉以下進冊寶捧冊寶官由正門至殿內以冊跪置於案舉冊官取冊於匣置於盤對舉讀冊官讀畢納冊於匣舉寶者取寶於盃對舉讀寶官讀畢納

寶於盃太尉以下皆就拜捧冊寶官以冊寶授太尉太尉授掌謁以置於受冊寶案太尉跪致祝詞曰冊寶禮畢伏願皇后與天同算司徒應曰如所祝就拜興太尉進酒皇后飲畢太尉以下皆再拜還詣皇帝前奏禮畢降詣旁折位侍儀使引導從導皇后詣大明殿前謝恩贊拜訖掌儀導皇后升御座典引引丞相以下入起居右丞相前進酒宣徽使奉隨至御榻前右丞相祝贊曰冊寶禮畢臣等不勝慶忭同上皇帝皇后萬萬歲壽宣

徽使應曰如所祝

以上續文  
獻通考

明會典冊后之禮洪武

初不預祭告不特頒詔遣使冊立皇帝服袞冕御奉天  
殿宣制禮部設龍亭儀仗大樂於奉天門外正中以族  
迎送冊寶至中宮皇后首飾褱衣出閣至中宮殿上冊  
寶入尚儀引皇后降詣庭中拜受訖尚儀引皇后升座  
引禮引内外命婦入各班首一人詣殿中致詞奉賀翼  
日百官稱賀上表箋皇后將謁太廟皇帝先遣官用  
牲牢行事告以皇后將祇見之意皇后親行謁見齋三

日內外命婦及執事內官各齋一日。永樂初續定先期遣官祭告天地宗廟用香帛酒脯行一獻禮冊畢翰林院官以詔書授禮部禮部官捧詔書於承天門開讀。皇后受冊畢上率皇后皆具服詣奉先殿行謁告禮。謁畢皇后具服於內殿俟上具皮弁服升座行謝恩禮。是日皇后具燕服升座引禮引長公主公主及親王妃行八拜禮次引六尚等女官行禮次引四品以上外命婦行禮次日親王等賀文武百官上表命婦上箋稱賀。



如常儀 天順八年增定賀皇太后儀皇后謁告謝恩  
及受賀畢親王於上前行慶賀禮次詣兩宮皇太后前  
次詣皇后前俱行八拜禮又三日女官預設皇太后御  
座於宮中其日清晨內官陳設儀仗皇太后具禮服升  
座衆命婦上表賀 嘉靖十三年定謁廟儀前期太常  
寺奏皇帝齋三日尚儀奏皇后及妃各齋三日是日皇  
后及妃受冊禮畢錦衣衛進輅於奉天門尚儀備皇后  
及妃翟車於輅後皇帝皇后及妃肩輿出宮至奉天門

皇帝降輿升輅皇后及妃各降輿升車內外護衛儀仗  
隨從內執事女官遮以幃幕至太廟大門西皇帝降輅  
后及妃降車障以龍幃皇帝初獻皇后亞獻宸妃等妃  
終獻禮畢還宮

天子納后二

原冊文漢建寧四年冊皇后文曰惟建寧四年七月乙  
未制詔皇后之尊與帝同體供奉天地祇承宗廟母臨  
天下故有萃興殷姜任母周二代之崇著有內德長秋

宮闕中宮曠位宋貴人秉淑媛之懿體河山之儀威容  
昭曜德冠後庭羣寮所咨人曰宜哉卜之蓍龜卦得坤  
乾有司奏議宜稱紱組以母兆人今使太尉襲使持節  
奉璽紱宗正祖為副立貴人為皇后后其往踐爾位敬  
遵禮典肅慎中饋無替朕命永終天祿 晉升平元年  
八月冊皇后文曰惟升平元年八月皇帝使使持節兼  
太保侍中太宰武陵王晞冊命故散騎侍郎女何氏為  
皇后咨爾易本乾坤詩首闢睢王化之本實由內輔是

故皇英嬪虞帝道以光任姒母周庠嗣克崇皇后其祇  
勗厥德以肅承宗廟虔恭中饋盡敬婦道帥導六宮作  
軌儀於四海皇天無親惟德是依可不慎歟 增制唐

延和元年七月太上皇

睿宗

立皇帝妃為皇后制曰王者

建邦設內輔之職聖人作則崇陰教之道式清四海以  
正二儀妃王氏冠蓋盛門幽閑令德藝兼圖史訓備公  
宮頃屬艱危克揚功烈聿興昌運實賴贊成正位六宮  
宜膺盛典可冊為皇后 唐貞元二年冊淑妃王氏為

皇后文

陸替撰

皇帝若曰乾坤合德聖人則之惟帝承天

唯后配帝嗣續百代母臨萬邦位定於中而尊加於外  
德修諸已而化被於人御于家邦所繫斯在三代崇替  
靡不由之于是以詢衆採賢重難茲命中壺虛位於今  
歷年陰儀或虧宗事無主稱是徽章聿歸全德咨爾淑  
妃王氏天與純粹氣鍾元和含章在中發秀於外周旋  
中規進退有度仁愛恭儉本於生知詩書禮樂成於師  
氏竭其孝弟祇事先朝承訓無違克諧尊旨往居桂苑

淑問已彰洎奉椒塗謙光載路六宮攸敘九族以親嘗  
屬艱迫累從行幸思賢才以輔佐知臣下之勤勞庶績  
伊凝頗資內助永念頃筐之志且懷求劍之情崇位長  
秋永懷盛典矧惟元子貞我萬邦稽以舊章是宜從貴  
今遣攝太尉某官某持節冊命爾為皇后嗚呼敬哉王  
教之端始於內範風美關雎之化雅詠思齊之德罔懈  
厥位忝於前脩克念有終庶無咎悔奉承休命可不慎  
歟 宋景祐元年立皇后曹氏冊文曰天地定位陰陽

相成人道貫之以綱大倫后德配之以熙內治聖人有  
以端其本也故造舟之迎言乎備詩人有以善其化也  
故周南之風著乎始粵朕沖昧祇若丕構深惟承荷之  
重輔佐攸艱用簡納賢明協於神人之望咨爾贈尚書  
令冀王配饗太祖廟庭曹彬孫女惟乃祖克有武力勤  
勞王家保勲不伐饗厥終慶教流後昆熏然慈和善祥  
憑積生此邦媛其漸漬醇醲發聞馨香所從來遠矣起  
居祖習不待姆氏之訓風容矩度自為宗黨之憲長秋

曠位陰教未序咨求訓範統正六列宗公鼎臣誦言於  
朝願即嘉時聿脩典禮朕以春秋之義必娶大國摯疇  
之家乃稱福耦謀及泰筮聘以穀珪惟吉之從有命既  
集今遣使工部尚書同平章事李迪副使戶部侍郎參  
知政事王隨持節冊命爾為皇后欽哉夫惟肅恭可以  
侍上夫惟謙裕可以接下泰而能約則驕弗至動而慎  
思則悔弗萌懋乃后德脩乃嬪職奉承宗廟儀刑家國  
永綏無疆之祚不其韙歟 熙寧二年冊皇后文曰自



昔有天下必擇建厥配以承宗廟以御家邦肆朕受命  
奉循前烈考慎冊典以祈協於神民咨爾向氏懿柔淑  
恭舊有顯聞肇功惟祖弼亮帝室流德之澤覃延後嗣  
是產淑媛比賢姜任越朕初載來嬪藩邸盥饋在中率  
禮無違以至嗣服祇承內事齊明夙夜罔有曠失宜崇  
位號表正宮庭今遣攝太尉王珪持節冊命爾為皇后  
夫惟興邦釐爾士女咸自內始達於四海朕克勤人用  
弗怠朕克儉人用弗奢朕克正人用無敢側頗僻爾勤

相朕乃濟登茲非初惟艱惟慎厥終爾忱念茲朕以永  
享天祿爾亦與有無疆之福豈不韙哉

王安石  
石撰

李清臣

撰皇后冊文曰賜爾皇后之寶方寸有半文螽蟴紐授  
之玉冊厥簡五十命爾翟衣笄纓博鬋黼領大帶以朝  
暨歲時將祀於東西宮金輿朱蓋武賁訶衛步障行導  
是惟顯哉 元至元十年三月冊皇后文曰天地合德  
故能覆載萬物而不遺日月並明所以照臨六合而無  
外至哉夫婦之大義實配陰陽之兩儀咨爾皇后鴻吉

哩氏戚里名家元勲貴族備儀率禮令德來嬪自朕奉  
藩之初至於踐阼之日明識遠慮裨益宏多雖禕翟正  
位於長秋而典冊未光於大禮今遣攝太尉中書右丞

相安圖持節授爾玉冊寶章備物充庭式遵古典於戲

恭順接下九族形雍穆之風儉素相高萬世衍靈長之

福服茲寵命益懋徽猷

王磐撰

皇慶二年三月冊皇后

文曰朕荷天地祖宗之祐皇太后之訓嗣大厯服思底  
於治必立元配表正六宮咨爾鴻吉哩氏實我家世戚

嫡嗣所自出積德流慶肆啟爾來嬪於朕淑慎孝恭令  
譽昭聞承命慈闈爰正爾位今遣攝太尉中書右丞相  
圖古勒授爾玉冊玉寶命爾為皇后惟天地定位萬物  
以生日月並照萬國以明君后合德萬化以成上以事  
上帝奉宗廟下以親九族正萬邦為朕內助惟爾之賢  
其念厥德履中體順俾聖母暨予一人以寧豈惟爾嘉  
天亦永相念爾共享有國欽哉

程鉅夫撰

又冊皇后文曰

在昔正始之道必先內治於以奉承宗祧化成天下朕

嗣大厯服祗修憲章宜資配助用彰位號咨爾皇后翁  
吉喇特氏淑慎柔嘉遵道是行輔佐王邸謙抑自持實生  
元子國本斯建興龍重鎮介子紹封粵若臨御之初贊  
畫計慮厥相維多正位中宮天人協祥今遣攝太尉中  
書右丞相舒瑪爾節授爾玉冊寶章坤順承天人道攸則  
表正母儀萬邦是觀維躬儉節用則徽音是嗣惟求賢  
審官則私謁靡干匡朕德格朕心實為有賴詩書所稱  
罔專美於前代噫敬厥初終有慶尚其念哉以膺爾景

命

表楠  
撰

原表後魏溫子昇魏帝納皇后羣臣上禮文表曰臣聞  
軒轅首出西陵以之作合夏后至聖塗山於是來嬪伏  
惟陛下龍飛纘歷大明理運長秋既建陰教有主景命  
無窮靈基長世普天之下莫不欣躍 增宋王安石賀  
冊皇后表曰伏惟陛下考古之憲刑家以身乃資婦德  
之良俾貳坤儀之政蓋闡睢之求淑女以無險陂私謁  
之心難鳴之得賢妃則有儆戒相成之道於以助治不

專為恩臣生逢明時竊觀盛事祝聖人之多子輒慕堯  
封思令德之式歌豈慙周雅 曾肇賀冊皇后表曰竊  
以國家為天下之本后妃實王化之基致治所由求端  
匪遠恭惟陛下紹天駿命垂世永圖承七廟之吉蠲奉  
三宮之供養而長秋虛位六職曠官咨求淑人來相宗  
事上遵太母之訓下採有司之言鼓鐘在庭典冊備物  
坤元博厚已振於隆名婦順章明可風於率土臣身雖  
在外義不忘君誦造舟之詩想見光輝之盛申彤管之

戒庶幾補報之忠

原贊晉左九嬪納楊后贊曰清和協極二儀降靈啟茲  
楊族仁哲誕生徽音內發有護其馨元符表運作合聖  
明文定厥祥考卜惟貞良辰納幣三光明清元公執摯  
嘉禮告成卿士庶僚爛其充庭赫赫華宗奕世載榮謙  
光其尊在滿戒盈受茲介福垂祚億齡

原頌晉左九嬪武帝納皇后頌曰峨峨華山峻極太清  
巨靈導流河清是經惟瀆之神惟岳之靈鍾於楊族載



育盛明我后穆穆應期挺生含聰體詰岐嶷夙成如蘭  
之茂如玉之瑩越在幼沖休有令名飛聲八極翕習紫  
庭超任邈如比德皇英京室是嘉備禮致聘令月吉辰  
百寮奉迎登位太微明德日盛羣黎欣戴函夏同慶翼  
翼聖皇睿哲孔純愍茲狂戾闡惠播仁蠲釁滌穢與時  
維新霈然洪赦恩詔遐震后之踐阼圉圉虛陳萬國齊  
歡六合同欣坤神抃舞天人載悅興瑞告祥表精日月  
和氣絀經三光朗烈旣獲嘉時尋播甘雪元雲掩靄靈

液霏霏既儲既積待暘而晞長享豐年福祿永綏

冊妃嬪一

原周制天子后立六宮三夫人九嬪二十七世婦八十

一御妻以聽天下之內治

天子六寢而六宮在後六宮在前所以承副施內外之政

也三夫人以下百二十人周制也三公以下百二十人似夏時也合而言之取其相應又帝嘗立四妃帝堯因

馬至舜不告娶不立正妃也但立三妃而已謂之三夫人離騷所歌三夫人舜妃也夏后氏增以三三而九合

十二人春秋說云天子娶十二即夏制也以虞夏及周差之則殷人又增以三九二十七合三十九人周人上

法帝嘗立正妃又三二十七人為八十一以增三十九并后合百二十一人其位后也夫人也嬪也世婦也女

御也五者相參定尊卑也公羊云諸侯娶一國則二國往媵之以姪娣從公羊說曰天子諸侯娶三國凡九女法地有九州足以承天之施娶三國者廣異類也恐一國有血脈相似俱無子也姪娣媵者不相妬嫉也年雖幼待年於父母之國古者女嫁則姪娣從謂之媵

後漢獻帝建安十八年曹

操進三女憲節華為夫人聘以束帛元纁五萬匹小者

待年於國

留佳於國待年長

二十年並拜貴人晉武帝太始

十年將聘三夫人九嬪有司奏禮皇后聘以穀珪無妄

勝禮贄之制詔曰拜授可依魏氏故事於是臨軒遣使

使持節兼太常拜三夫人兼御史中丞拜九嬪增唐

制皇后而下有貴妃淑妃德妃賢妃是為夫人昭容昭儀昭媛修容修儀修媛充儀充容充媛是為九嬪婕妤美人才人各九合二十七是代世婦寶林御女采女各二十七合八十一是代御妻自餘六尚分典乘輿服御皆有員次後世改復不常開元時以后下復有四妃非是乃置惠麗華三妃六儀四美人七才人而尚宮尚儀尚服各三參合前號大抵踵周官相損益云

宋子京后妃傳序

宋貴妃冊命始於慶厯八年十二月丁卯冊用竹簡

印用金 宋初立妃皆不行冊禮大中祥符七年封婉

儀楊氏為淑妃翰林草制付中書不宣於外庭慶厯八

年制美人張氏為貴妃所司擇日備禮冊命學士宋祁

就院寫告用官告院印封進妃擲告於地不受十二月

發冊設次位命官持節授冊印內外命婦稱賀及入謝

略如冊皇后儀冊用竹簡二十四版長尺一闊寸天下

樂錦裝標金印方寸文曰貴妃之印龜紐紫綬

至和元年

謚溫成皇后  
大獻通考

明冊妃禮洪武三年定前期一日禮部

官奉冊印入置於謹身殿御座之前其日質明文武百官朝服序立於奉天殿丹墀之兩旁使副入就奉天殿橫街南北面立承制官奉節官奉冊印官皆入詣謹身殿俟內臣傳旨訖出自橫街南宣制妃服花釵翟衣出閣自本位官中冊印至內使監令率內執事奉以入妃降詣庭中拜受畢妃升階就位內命婦諸親以次賀內使監令引妃謝皇帝皇后永樂七年續定上御華蓋殿具皮弁服傳制執事官舉節冊案由御道東出黃蓋

遮送至奉天門用鼓樂迎至右順門內官捧入節冊將  
至皇妃具禮服宮人各執扇衛從出迎於宮門外是日  
上率詣奉先殿行謁告禮畢皇妃詣上前行八拜禮回  
宮妃升座長公主公主親王妃及六尚等女官四品以  
上命婦俱行四拜禮皇妃坐受 成化二十二年冊貴  
妃有寶先贊授冊後贊授寶德妃無寶止贊授冊謁告  
奉先殿畢先詣皇太后前行禮次至內殿候上服皮弁  
服皇后具燕服同升座妃詣前行禮 嘉靖十九年進

封妃嬪同日皇貴妃用金冊金寶妃嬪無寶止用鍍金銀冊是日寅刻上具常服告於皇祖分遣大臣告於列聖宗廟嘉靖十年冊立九嬪上具袞冕服祭告太廟世廟駕回易皮弁服御華蓋殿傳制冊畢皇后率詣奉先殿奉慈殿崇先殿行謁告禮仍詣昭聖皇太后章聖皇太后莊肅皇后前俱行八拜禮畢候上服皮弁服皇后亦具服升座行禮

冊妃嬪二



增表唐常袞請冊貴妃表曰臣聞天文次星配以妃位  
帝宮內職守在王化視公卿而命秩思賢才以審官蓋  
五禮之宗六義之本也伏惟寶應元聖文武皇帝陛下  
紹興下武屬當多難一日萬務親紆聖心紫庭分理頃  
刻未遑彤管紀言因茲而鼓然則奉若天道以陰而助  
陽御于家邦由中而及外今既三靈叶泰四海永清宜  
舉舊章以行盛禮竊承壺制未正等威當熊之德或聞  
於蘭殿貫魚之序無列於椒房固已叶周南之風參虞

汭之化豈使坤儀曠其取法陰教闕而不修雖則簡在宸衷安能默於誠請伏冀大明禮秩俾率宮庭以厚人倫以風天下

冊拜皇太子一

原後漢制拜皇太子儀百官會位定謁者引皇太子當御座殿下北面司空當太子西北東面立讀冊書畢中常侍持太子璽綬太子再拜三稽首謁者贊曰皇太子臣某甲謁者稱制曰可三公升階上殿賀壽萬歲因大

赦天下禮畢 東晉孝武帝泰元十二年臺符問皇太子既拜朝臣奉賀應上禮不國子博士車胤云百辟卿士咸與盛禮展敬拜伏不須復上禮惟方伯牧守不覩大禮自非酒牢貢羞無以裁其乃誠故宜有上禮亦如元正大慶方伯莫不上禮朝臣奉辭而已太學博士庾宏之議按武帝咸寧中諸王新拜有司近臣諸王公主上禮今皇太子國之儲副既已崇建普天同慶謂應上禮奉賀按漢魏故事皇太子稱臣新禮以太子既以子

為名而又稱臣臣子兼稱於義不通除太子稱臣之制  
摯虞以為孝經資於事父以事君義兼臣子則不嫌稱

臣宜定新禮皇太子稱臣如舊詔從之

尚書符又問王公以下見皇太

子儀及所衣服車屑議朝臣宜朱衣襍幘拜敬太子答拜按經傳不見其文故太傅羊祜賤廢太子稱叩頭此則拜之證又太寧三年詔議其典尚書卞壺謂宜稽則漢魏闔朝再拜其朱衣冠冕惟施天朝宜襍幘而已

北齊冊皇太子皇帝臨軒司徒為使司空副之太子

服遠遊冠入至位使者入奉冊讀訖皇太子跪受冊於  
使者以授中庶子又受璽綬於尚書以授庶子稽首以

出就策使者持節至東宮宮臣內外官定列皇太子階  
東西面若幼則太師抱之主衣二人奉空頂幘服從以  
受冊明日拜章表於東宮殿庭中庶子中舍人乘輅車  
奉章詣闕堂謝擇日齋於崇正殿服冕乘安車謁廟擇  
日羣臣上禮又擇日會明日三品以上歲賀增唐制  
臨軒冊皇太子有司卜日告天地宗廟前一日尚舍設  
御幄於太極殿守宮設太子次於東朝堂之北西向又  
設版位於大橫街之南展懸設案陳輿輦及文武羣官

朝集蕃客之位其日日未出前二刻宮官服其器服諸  
衛率各勒所部陳於庭左庶子奏請中嚴侍衛之官奉  
迎僕進金路內率一人執刀贊善奏發引令侍臣上馬  
庶子承令其餘略如皇帝出宮之禮皇太子遠遊冠絳  
紗袍三師導三少從鳴銚而行降路入次亦如鑾駕其  
日列黃麾大仗侍中奏請中嚴有司與羣官皆入就位  
三師三少導從皇太子立於殿門外之東西面黃門侍  
郎以冊寶綬案立於殿內道北西面中書侍郎立案後

侍中乃奏外辦皇帝服衮冕出自西房即御座皇太子  
入就位典儀曰再拜皇太子再拜又曰再拜在位者皆  
再拜中書令降立於皇太子東北西面中書侍郎一人  
引冊一人引寶綬案立於中書之南西面以冊授之中  
書令曰有制皇太子再拜中書令跪讀冊皇太子再拜  
受冊左庶子受之侍郎以璽綬授中書令皇太子進受  
以授左庶子皇太子再拜在位皆再拜侍中奏禮畢帝  
入自東房 通典開元二十六年六月庚子肅宗為太

子將受冊太常所撰儀注有服絳紗袍之文上手敕改

為朱明服

紀有司行冊禮其儀有中嚴外辦其服絳紗太子曰此天子禮也下公卿議太常蕭嵩左

相裴耀卿請改外辦為外備絳紗衣為朱明服從之

通鑑開元二十六年七月

己巳上御宣政殿冊皇太子

會百官

故事乘輅至殿門至

是步入是日大赦天下賜酺三日 肅宗乾元元年十

月甲辰帝御宣政殿冊成王為皇太子大赦天下 實

錄順宗貞元二十一年四月乙巳御宣政殿冊太子有

慶雲見

紀以冊皇太子凡文武官子為父後者勲兩轉

元和四年冬十月御



宣政殿冊太子

先是三年李絳上言

文宗太和七年八月庚寅

御宣政殿冊太子

會要長慶二年十二月丙午御紫

宸殿冊皇太子故事冊太子御宣政殿是日備宮懸於

殿庭列內仗於兩閣門內羣臣辨色序立於宣政門外

就外廊食訖具衣冠劒履入自月華門列位正衙辰後

一刻入閣上臨軒太子步自崇明門以宮僚翼從駙馬

二人扶衣冠禮儀使導以進及樂作扇開羣臣拜訖太

子進至龍墀東南再拜受冊攝中書令

杜元穎

讀冊以授

太子太子再拜蹈舞歸崇明門幕殿羣臣賀皇帝訖退  
詣崇明門謁太子太子命舉簾執笏荅拜宮寮拜則受  
之 宋至道元年八月壬辰以開封尹壽王為皇太子  
自唐天祐以來斯禮久廢上始舉行中外胥悅丁酉以  
學士承旨宋白為禮儀使有司既定冊禮又請如唐開  
元制宮臣止稱名不行舞蹈之禮又言百官見太子自  
兩省五品尚書省御史臺四品諸司三品以上皆荅拜  
餘悉受拜宮臣自左右庶子以下悉用參見之儀其皇

太子宴會位在王公上奏可有司又草具皇太子受冊  
畢見皇后儀詔止用宮中常禮九月丁卯上御朝元殿

即崇元殿也後改冊皇太子陳列如元會之儀皇太子  
曰天安又改大慶

常服乘馬赴朝元門外幄次改服遠遊冠朱明衣三師  
三少導從入殿受冊寶太尉率百官奉賀太子易服乘  
馬還宮百官常服詣宮參賀自樞密使內職諸王宗室  
師保賓客宮臣等畢集太子常服就坐諸王宗室等以  
次參賀皆答拜訖受文武官宮臣三品以下參賀庚午

具鹵簿謁太廟五室常服乘馬出東華門升輅十月乙亥太子遜宮僚稱臣許之 會要八月二十三日門下省言按開元禮皇太子寶以黃金為之方一寸及隋志皇太子寶龜紐文曰皇太子寶朱組大綬請如舊制製造從之九月二十二日有司言太子受冊奏正安之曲詔宋白撰樂章二曲 天禧二年八月丁酉至辛丑羣臣三表請立太子甲辰詔立昇王為太子乙巳以學士鼂迥為禮儀使丁巳禮官請臨軒冊命日奏明安之曲

從之九月丁卯上御天安殿冊太子禮畢百官稱賀上

有五色雲紫雲如華蓋癸酉皇太子朝謁太廟日左右

有赤黃珥黃雲捧日其儀帝服袞冕御天安殿禮儀使

引太子就版位再拜中書令捧冊授皇太子太子以授

右庶子又奉寶綬太子受訖以授左庶子太子出入皆

作明安之樂

是迎拱明  
安三曲

百官詣宮參賀再拜太子答拜

丙申賓客李廸上賀建儲闋禮成詩詔褒之

以上  
玉海

天

禧冊皇子並如至道之儀冊用珉玉如乘輿之制而差

損降其押輿用金塗銀平鈸承以縣漆小案飾以衣繡

凡飾用龍者皆以螭鳳

文獻通考

政和五年二月十四日

大慶殿行冊禮 治平三年十二月壬寅元豐八年三

月甲午朔紹興三十二年五月甲子建儲皆不及受冊

乾道元年八月十日丙戌立鄧王為皇太子禮官言

皇帝御大慶殿冊太子服通天冠絳紗袍百官朝服立

班太子受冊服遠遊冠朱明衣執植圭謁太廟服袞冕

乘金輅百官詣太子宫賀並各拜依會要冊用珉玉簡

六十枚前後四枚刻龍填金貫以金絲藉以錦褥盛以

漆匣裝以金華飾以螭首今請用珉簡七十五枚

即天禧之

制金寶按禮義羅寶以黃金為之龜紐方一寸係以朱

組大綬連玉環金檢

三朝志寶方二寸厚五寸

壬寅兵部言黃麾半

仗用一千四百九十九人甲辰太子奏辭金輅十月十

六日御大慶殿冊太子列黃麾半仗撞黃鍾之鐘作乾安明

安之樂禮成稱賀撞蕤賓之鐘十八日御紫宸殿太子

稱謝遂朝謁景靈宮太廟又詣德壽宮謝

以上玉海

初紹

興建儲在欽宗恤制未製樂乾道初元命禮部太常寺  
討舊典以聞受冊日設宮架樂於殿庭皇帝升降御座  
作乾安之樂升用黃鐘宮降用蕤賓宮皇太子入殿門  
作明安之樂受冊出殿門亦如之皆用應鍾而奏以姑  
洗古者太子生則太師吹管以度其聲觀所協之律有  
虞典樂教胄子自天子至元子皆以樂為教則陳金石  
雅奏以重元良冊拜宜訪古誼式昭盛禮建隆定樂雖  
詔皇太子出入奏良安至道始冊皇太子有司言太子



受冊宜奏正安之樂至天禧冊命禮儀院復奏改正安  
為明安之樂乾道之用明安實祖述天禧而姑洗為宮  
則唐東宮軒垂奏樂舊貫云

文獻通考

遶於宣慶殿冊皇

太子前期太樂令陳宮懸如皇帝受冊儀乘黃令陳金  
輅朝堂門外皇太子儀仗笳簫鼓吹等陳宣慶門外至  
日門下侍郎奉冊中書侍郎捧寶綬皇太子遠遊冠絳  
紗袍秉珪入就版位東宮官三師以下皆從典儀贊皇  
太子再拜中書令跪讀冊皇太子再拜進受冊寶退授

左庶子又再拜在位皆再拜禮畢皇太子升金輅左庶子以下夾侍儀仗鼓吹等並列宣慶門外三師三少諸宮臣於金輅前後導從鳴鑾還東宮宮庭先設儀仗皇太子入就位坐文武官臣序班稱賀 金冊皇太子前三日遣使奏告天地宗廟前一日宣徽院使帥儀鸞司設御座於大安殿當中其日質明文武百僚應行事者並朝服入皇太子服遠遊冠朱明衣三師三少以下導從皇帝服通天冠絳紗袍即御座侍中宣制中書令讀

冊皇太子跪受以授右庶子侍中讀寶皇太子跪受以授左庶子禮畢皇太子改公服還東宮後二日兵部設黃麾仗於仁政殿門之內外並如大安殿之儀皇太子捧表入至拜表位跪上後二日百官奉表稱賀元冊

皇太子前期三日右丞相率百僚至金玉局冊寶案前行禮用儀衛音樂導至中書省正位安置前二日右丞相率百僚朝服至中書省冊寶案前上香行禮儀衛音樂傘扇導至闕前控鶴奠案方輿官舁之由中道入崇

天門冊使以下奉隨升大明殿午階由正門入至發冊  
寶案前以冊寶置於案至期皇帝升大明殿殿前班起  
居如儀禮儀使奏請發皇太子冊寶內謁者捧冊寶跪  
進捧冊寶官跪受禮儀使引節導冊寶由正門出至露  
階南向立宣制曰上命太尉等持節授皇太子冊寶以  
冊寶置案方輿舁以行冊使以下隨至皇太子殿庭皇  
太子出閣立於香案前跪上香再拜太尉前稱制又再  
拜皇太子詣褥位南向立舉冊官跪讀冊舉寶官跪讀

寶太尉進至案前以冊寶跪進皇太子恭受以授左右  
庶子右庶子捧冊左庶子捧寶導皇太子入殿奠冊寶  
於案太尉以下降階皆再拜侍儀使詣太尉前請進酒  
太尉入進酒畢降復位還詣大明殿御座前奏禮畢侍  
儀使左右庶子導皇太子詣大明殿謝恩贊拜訖還府  
侍儀使詣右丞相前請進酒右丞相入宣徽使隨至御  
榻前右丞相祝贊曰皇太子冊寶禮畢臣等不勝慶抃  
同上皇帝皇后萬萬歲壽宣徽使應曰如所祝退進酒

進表章禮物如元正儀皇太子還府升殿典引引羣臣  
入就起居位贊再拜侍儀使詣班首前請進酒班首入  
右庶子隨至座前班首跪致祝詞曰冊寶禮畢願上殿  
下千秋之壽右庶子應曰如所祝退捧觴進酒百僚皆  
再拜中書押進箋及禮物案讀箋官先讀箋目次讀箋  
讀禮物官跪讀禮物狀各付所司又再拜皇太子還閣  
以上續文  
獻通考

明東宮冊立儀累朝微有異同其尤異者

洪武永樂命至殿上受冊寶宣德嘉靖則命使持節至

文華殿授皇太子 洪武初定上於謹身殿具袞服御  
與以出皇太子於奉天門具冕服入奉天東門傳制畢  
皇太子由殿東門入至御座前受冊寶由東階降禮部  
尚書詣案捧詔書尚寶卿用寶捧赴午門開讀百官迎  
詔至中書省頒行受冊之日皇太子朝謝中宮母后禮  
畢諸王詣東宮朝賀并賀中宮百官進慶賀表箋與中  
宮受冊儀同皇太子擇日恭謁太廟 永樂二年續定  
先期三日遣官祭告天地宗廟行一獻禮皇太子於奉

原詔梁武帝立皇太子詔曰非至公無以王天下非博  
愛無以臨四海所以堯禪舜讓惟德是與文王舍伯邑  
考而立武王格于上下光被四表今岱宗牢落天步艱  
難淳風猶鬱黎民未乂自非克明克哲允文允武豈能  
荷神器之重嗣龍圖之尊晉安王綱德行內敏威惠外  
宣羣后歸美率土宅心可立綱為皇太子庶百年勝殘  
方流餘慶必世後仁永固洪業 沈約立太子詔曰朕  
屬當期運係迹前王思所以長世流祚垂之萬葉百辟



使捧冊寶至左順門授內臣捧入皇太子受畢詣奉先  
殿謁告如常儀旋詣皇太后前次詣上前皇后前俱行  
八拜禮次詣皇妃前行四拜禮免賀次日百官上表賀  
如常儀 嘉靖十八年續定前期三日齋戒至日上躬  
詣南郊奏告皇天上帝駕回恭詣太廟告聞皇祖命大  
臣祭告北郊列聖宗廟社稷神祇祭告畢上具常服告  
聞母后至日御殿傳制保姆奉皇太子於文華殿受冊  
明日上率皇后貴妃保姆奉皇太子詣宗廟恭行告謝

復詣母后謁謝皇后率貴妃保姆奉皇太子詣上前皇  
后貴妃俱代皇太子行八拜禮貴妃又代皇太子詣皇  
后前行八拜禮保姆又代皇太子詣貴妃前行四拜禮  
上行告謝禮畢御奉天殿頒詔天下遣官齎捧御書禮  
物往各王府報知及詔諭朝鮮國是日百官上表慶賀  
仍上表賀皇太后命婦入內賀皇后如常儀百官又以  
是日進箋賀皇太子

冊皇太子一

邦家忠衛社稷誅其兇惡以之康濟主七毫者非爾而誰是用命爾為皇太子古人有言曰爾身克正罔敢不正人心罔中惟爾之中昭昭臨下不可不畏慎簡乃僚允迪端士恭儉惟德遠於儉人則萬邦以貞庶荅揚我四聖之鴻烈敬之哉 乾元元年十月冊成王為皇太子文曰自昔聖王咸建儲貳蓋將嗣守神器虔奉宗祗是以禮經著元良之德易象載重明之義朕纘服鴻緒丕承前烈爰升主毫之賢實符當辭之命咨爾太尉成

咸以元良之寄有國莫先自昔哲后降及近代莫不立  
儲樹嫡守器承祧乃旁挹羣議遠惟七百建茲蒙稚仰  
副宗祊承華肇開崇基克永無疆之慶非獨在余恩霑  
渥澤被之遐邇可賜天下為父後者爵一級王侯以下  
量錫幣帛

增冊文唐貞觀十七年四月冊文云永言少陽乚宅是  
寄疇咨朝列卿士叶從永徽七年正月冊文云盡謙  
恭於齒胄審方俗於迎郊春禮冬詩趨庭靡懈三善六

德勉志無愆 神龍元年七月冊平王為皇太子文曰  
天有不命集寶位於朕躬所以奉若天道建茲元嗣其  
明聽朕言咨爾平王隆基幼而聰允長而寬博有夙成  
之量焉夫禮以脩外樂以脩內者是工於文也春夏學  
干戈秋冬學羽籥者是兼於武也繫於百姓聞於天下  
者是由於仁也一日三朝嘗藥視膳者是資於孝也爾  
有文武仁孝之德以知君臣父子之道朕甚休之間者  
賊臣構逆窺窬神器則我有唐之祚危若綴旒爾義刑

義勿行對越天地之耿光丕承祖宗之休烈可不慎歟  
開元二十六年冊忠王為皇太子文曰仰稽天道俯  
察人心立長則順天所助也議才則賢人之望也元

和七年十月冊遂王為皇太子文曰建立儲嗣崇嚴國  
本所以承祧守器所以繼文統業欽若前訓時惟典常  
粵我祖宗克享天祿奄宅九有貽慶億齡肆予一人序  
承丕構續武烈祖延鴻本支受無疆惟休亦無疆惟恤  
負荷斯重祗勤若厲永懷訓詞當副君臨咨爾遂王恒

王叔道備文武生資睿哲溫文彰於日就孝友稟於天成往以兇醜亂行干戈集事是能出陪戎駕入奉廟謀克符丹水之師實翦綠林之盜所謂功定社稷義臨君親今萬邦以貞三善斯屬宜膺上嗣之典俾踐少陽之位是用命爾為皇太子以副朕躬爾其思王業之艱難遵聖人之炯戒非尊賢無以成德非廣孝無以承親遠斥便佞詢謀正直兢兢業業庶保於大猷然後無忝爾祖宗克寧我邦家往欽哉 貞元二十一年四月冊廣

陵王為皇太子文曰建儲貳者必歸於冢嗣固邦本者  
允屬於元良咨爾元子廣陵王某幼而岐嶷長標洵淑  
佩詩禮之明訓宣忠孝之宏規居常保謙動必循道愛  
敬奉於君親仁德聞於兆庶神祇龜筮罔不協從是用  
命爾為皇太子於戲惟我烈祖之有天下也功格於上  
帝祚流於無窮光纘宏緒逮予十葉虔恭寅畏日慎一  
日付爾以承祧之重勵爾以圭壺之勤以貞萬國之心  
以揚三善之德爾其尊師重傅親賢遠佞非禮勿踐非



丕顯之謨兄弟懿親宜正元良之號立天下之大本示  
天下之至公咨爾皇太子某德器淵深英資玉粹武奮  
青宮之偉績文參定策之殊勲豈特華萼交輝之情式  
相好矣其在鳬鷖守成之治須汝贊之故於連枝同氣  
之間付以監國撫軍之任茲上承於母意蓋允出於朕  
心已於六月朔旦面授爾皇太子金寶今復遣攝太尉  
丞相塔斯布哈持節授爾玉冊維寵命之渚膺尚謙恭  
而自牧益盡寧親之孝益勤事上之忠以敦九族內睦

體乾降靈襲聖生德教深蘊瑟氣叶吹銅早集大成不  
屑幼志溫文得於天縱孝友因於自然符彩昭融器業  
英遠爰膺錫社實寄維城懿河間之不羣慕東平之最  
樂自頃離明輟耀震位虛宮地德可尊人神攸屬式稽  
令典載煥徽章是用冊爾為皇太子往欽哉有國而家  
有君而父義兼貳極重繫萬邦何好非賢何惡非佞何  
行非道何敬非刑居上勿驕從諫勿拂懋昭乃德唯懷  
永圖用陪貳朕躬以對揚休命可不慎歟 元冊裕宗

為皇太子文曰咨爾皇太子其仰惟太祖聖武皇帝遺  
訓嫡子中有克嗣服繼統者預選定之是用立太宗英  
文皇帝以紹隆丕構自時厥後不為顯立冢嫡遂啟爭

端朕上稽祖宗宏遠之規下協昆弟僉同之議乃從燕

邸立爾為皇太子今遣攝太尉中書左丞相巴延持節

授爾玉冊金寶於戲聖武燕貽爾其奉承昆弟宗親爾

其和協使仁孝顯於躬行可謂不負所託矣尚其戒哉

勿替朕命 元冊仁宗為皇太子文曰祖宗聖緒恭承

軒竟謝表曰臣聞團暉麗天沔雷居震必資令德實建  
賢明臣本空薄器業無取已慙好儒之志且乏豐下之  
姿叨逢慈獎事出希世方將問安寢門視膳天幄察陳  
奏之章示嚴警之書出龍樓而祇召息車馳道侍鑾輿  
而巡幸說經孔庭足踐闔闔風雲之勢斯近飛陵倒景  
神仙之舉超然何以允副元良和茲守器逢師曠之褒  
值史丹之述 增唐常袞為代宗讓皇太子表曰伏以  
國之上嗣古曰元良觀象於天應前星之環極取法於

之風以行億祀無疆之慶

原表周王褒為百僚請立皇太子表曰臣聞海雷居震  
春方應守器之禮明兩作離少陽纂重暉之業是以三  
善昭德載祀之祚克隆一人元良貞國之基永固至於  
軒轅得姓高陽才子上嗣佇賢前星虛位魯國公斌親  
居元子屬當儲貳具寮仰則列辟式瞻臣等參議請立  
為皇太子事隆監撫教資審諭問安寢門視膳天幄  
梁簡文帝謝立為皇太子表曰伏見詔書以臣為皇太

子有命自天實驚物聽鴻名盛典爰萃庸薄勢舉千鈞  
方茲未重高搏九萬比此非遥臣本凡質實實無取特  
以毓慶雲霄憑暉璿極鳴玉內侍指揮外藩猶懼不任  
尚疑廢職況復監撫守從道著前經恭敬溫文義彰昔  
記震維禮絕離景事尊養德北宮贊業東序魏平非擬  
漢莊靡繼臣牧拙樊漢始獲言歸遂以下才屬當上嗣  
事異定陶之舉有類膠東之冊將何以著三善之德延  
四皓之遊屈叔譽之辭繹卞蘭之頌 又拜皇太子臨

冊命報慶天人然後啓承華以論道起博望而養德  
宋劉鈞賀冊皇太子表曰前曜開祥東闡布憲漢儀丕  
赫天下之本旣豐周制協敷王者之基克固殊猷顯會  
中外祇歡蓋以十翼垂言黃離之象攸著四瀆流潤重  
海之歌載揚於以示元吉之有孚表善利之廣需正人  
倫而張大紀統天序而荷亨衢陪翼至仁登閤昌祚允  
鍾聖嗣克奉宗祧伏以皇太子挺溫姿而玉裕藹淑度  
以金相至性迪乎天經積粹發乎真系而自桂房毓秀

地視少海之朝宗必訪耆龜以承乇帝臣遊虧四老才  
乏五官人莫係心德鮮守器頌者外統羣帥內錄尚書  
竊懼任榮以憂官謫今謬承博望猥辱壽春位登青宮  
禮絕朱邱且乖人望載黷朝經循名責實未足承天之  
序舍長立賢亦猶行古之道伏惟陛下博求公議允納  
微誠更擇溫文俾承繼紹遠想伯夷之讓用升季歷之  
材柳宗元為百寮賀冊皇太子表曰臣聞商書載以  
貞之文漢史傳早建之義不惟立愛其在繼明陛下奉




率前規敷揚盛典顧茲守器之重爰正承華之位尊義  
方之教載錫嘉名崇建樹之禮式光典命以長而立自

符於慎擇必予而選遂合於至公邦本不揺王業彌固  
此皆宗社垂祉啟祐皇心乾坤叶謀保安聖運足以播  
休氣於四海洽太和於萬靈食毛含齒所同歡慶于

邵請冊皇太子表曰伏以儲宮未立人望猶勤夙聞宣  
王天資孝敬訓秉詩禮可以奉宗祧之重可以當匕鬯  
之主朝三命宰則以安親前師後傅則以齒胄乞以時

帝緒之無疆海潤星暉戴吾君之有子



茅壤疏榮有時敏之進修有日躋之駿惠固以悟喬枝  
而奉順詢內衛以宣勤務近老成之人歷觀盛德之事  
寶忠信而由己服禮樂以蹈中造禮惟微振辭有典侍  
鑒游而儼若拱列欽瞻省臺膳以肅如慈宸敦眷四學  
總於上序百行紀於司成洽乃懿聲被乎寰宇建儲之  
論繫先親而是宜立愛之文稽古道而斯順肇膺徽冊  
有慶昌辰伏惟皇帝陛下闢長世之善經率保邦之大  
法翕受祕祉備舉緝儀惟震長之至賢實乾剛之上體

三善靡煩於在傳重暉上契於秉陽陛下仰奉靈心旁  
招羣籲以為主器之重有國莫先矧錫羨於仙源在守  
成於宗躅增崇巨業屬我元良龜猷之告協從神鑒之  
徵允格三讓成魄知天道之好謙明兩作離見皇圖之  
可大式簡彌文之禮仍新遵德之稱涓以茂辰膺茲鴻  
典班輪飭駕奮五采以相宣碧鏤題宮配二儀而胥永  
臣以濫叨詞職竊守藩封昭數在廷莫覲鸞旌之美舍  
和發詠率同鳬藻之誠又王拱辰表云離明震豫知



御定淵鑑類函卷一百七十六



依經史記更正若應用者為各用一為用兩博士裴昭

明按周禮納徵元纁束帛儷皮

鄭元曰束帛以致命兩皮庭實皮鹿皮

晉

納妃以獸皮二獸豹雖文禮所不用羅吉祥婚典不及

珪璋美為用各異今儲后聘納宜准經誥兼太常丞孫

詵議以為聘幣之典損益惟我今儲后崇聘禮光訓遠

皮玉之美宜盡輝備禮稱束帛儷皮則珪璋數同璧熊

羆文豹各應用二博士虞蘇議按儀禮直云元纁束帛

儷皮禮記郊特牲云虎豹皮與玉璧非虛作也虎豹皮



# 欽定四庫全書

子部

御定淵鑑類函卷一百七十七

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣高中

謄錄監生臣陳觀龍

欽定四庫全書

御選淵鑑類函卷一百七十七

禮儀部二十四太子納妃

嗣立

冊公主  
廢嫡立庶

冊拜諸侯王  
為人後

異姓為後

太子納妃

原漢制皇太子納妃奉常迎

時叔孫通定禮以天子無親迎之義皇太子以奉常

也迎晉太康中有司奏太子婚納徵用元纁束帛加璧

羊馬三駟東晉太子婚納徵禮用璧一虎皮二彪

之上書曰或者虎取威猛有斑彩蔚玉象德而有潤澤  
瑋璋亦玉之美者豹皮彩蔚以譬君子王肅納徵辭云  
元纁束帛  
僂皮鴈羊  
宋文帝元嘉二年四月己未子納妃六

禮文與納后不異百官禮其月壬戌於太極殿西堂

叙宴一宮隊主副司徒侍郎以上諸一千石在都邑者

並在會又詔令小會可停伎樂時有臨川曹大妃喪明帝太始

年有司奏按晉江左以來太子婚納徵用璧一獸皮一

未詳所准今法章徽儀方將大備宜憲範經籍今皇太

子婚納徵禮合用瑋豹皮及熊羆皮與不下禮官詳議

入升自西階立於楹間南面納采訖乃行問名儀事畢  
主人請致禮於從者禮有幣馬其次擇日納吉如納采  
又擇日以玉帛乘馬納徵又擇日告期又擇日命有司  
以特牲告廟冊妃皇太子將親迎皇帝臨軒醮而誡曰  
往迎爾相承我宗事勗帥以敬對曰謹奉詔既受命羽  
儀而行主人几筵於廟妃服褕翟立於東房主人迎於  
門外西面拜皇太子答拜主人揖皇太子先入主人升  
立於阼階西面皇太子升進當房戶前北面跪奠鴈俛

居然用兩璋宜仍舊各一恭議詵龢二議不異今加珪璋各一豹熊羆皮各二龢議為允詔可 齊武帝永明

年中以婚禮奢費勅諸王納妃上御及六宮依禮止棗栗服脩加以香澤花粉其餘衣物皆停唯公主降嬪則止遺舅姑 北齊皇太子納妃禮皇帝遣使納采有司備禮物會畢使者受詔而行主人迎於大門外禮畢會於廳事其次問名納吉並如納采納徵則使司徒及尚書令為使備禮物而行請期則以太常宗正卿為使如

納采親迎則太尉為使三日妃朝皇帝於朝陽殿又朝  
皇后於宣光殿擇日羣臣上禮他日妃還又他日皇太  
子拜閣皇太子及王聘禮納采問名納吉請期親迎皆  
用羔羊一口鴈一隻酒黍稷米麴各一斛納徵用元三  
匹纁二匹束帛十匹大璋一虎皮二錦綵六十匹絹二  
百匹羔羊一口羊四口犢二頭酒黍稷稻米麴各十斛  
從車百乘 隋皇太子納妃禮皇帝臨軒使者受詔而  
行主人俟於廟使者執鴈主人迎拜於大門之東使者

命之太子既受命遂適妃第至妃氏大門外次主人設  
几筵醴女如別儀妃服褕翟花鈿立於東房主婦衣禮  
服鈿釵立於房戶外主人公服出立於大門之內皇太  
子出次立於門西僎者進受命主人迎於門外西面再  
拜太子答拜皇太子入當房戶前北面跪奠鴈再拜降  
出主人不降送內殿尉進厭翟於內門外傅姆導妃司  
則前引出於母左父母戒畢妃出皇太子授綏御輪三  
周如常儀妃廟見日質明陳布儀仗妃服褕翟加首

伏興拜降出妃父少進西面戒之母於西階上施衿結  
悅及門內施鞶申之出門妃升輅乘以几姆加幃皇太  
子乃御輪三周御者代之皇太子出大門乘輅羽儀還  
宮妃三日雞鳴夙興以朝奠筭音煩於皇帝皇帝撫之又

奠筭於皇后皇后撫之席於戶牖間妃立於席西祭奠  
而出唐皇太子納妃禮臨軒命使行納采問名納吉  
納徵請期告廟臨軒醮戒親迎同牢朝見並如開元禮  
增唐開元禮皇太子納妃其冊妃前一日主人設使



者次使副朝服乘輅持節鼓吹備而不作至妃氏大門  
外次掌嚴奉褕翟衣及首飾內殿尉進厭翟車名於大門  
之外諸衛帥其屬布儀仗奉冊寶按者進授使副冊寶  
內侍西面受之東面授典內典內持入跪置於閣外之  
按傳姆贊妃出立於庭中北面掌書跪取冊寶南向司  
則前贊妃再拜北面受冊寶於掌書南面授妃妃以授  
司閨司則又贊再拜臨軒醮戒前一日有司設御坐於  
太極殿阼階上西向皇太子進當御坐前東面立皇帝

飾以出至寢門皇帝服通天冠絳紗袍皇后褱衣首飾  
即御座妃奉筭棗栗司饌又執筭服脩以從皆再拜進  
奠司設設妃席於戶牖之間醴之如儀 皇帝會羣臣

於太極殿如正至之儀惟上壽辭云皇太子嘉聘禮成

克崇景福臣等不勝慶忭謹上千秋萬歲壽

文獻通考

明

永樂二年定冊立儀前一日內官設節冊案於東宮內  
殿設香案於其南設儀仗如常儀設內贊引禮女官各  
二人至日正副使持節捧冊至左順門以授內官入行

禮皇太子妃具禮服宮人執扇從衛出迎於宮門外禮畢妃具服詣奉先殿行謁告禮女官導詣宮門俟上具皮弁服皇后燕居冠服陞座就內殿行禮會典

### 太子納妃二

原詩唐高宗太子納妃太平公主出降詩曰龍樓光曙景魯館啓朝扉豔日濃妝影低星降婺暉玉庭浮瑞色銀榜藻祥徽雲轉花繁蓋霞飄葉綴旗雕軒回翠陌星駕歸丹殿鳴珠珮繞衣鏤璧輪開扇華冠列綺筵蘭醑

申芳宴環階鳳樂陳璫席珍羞薦舞蜨袖香新歌分落  
素塵歡迎歡懿戚慶叶慶初姻暑蘭炎氣息涼早吹華  
辰方期六合泰共賞萬年春 郭正一奉和太子納妃  
公主出降詩曰桂宮初服冕蘭掖早升筭禮盛親迎晉  
聲芬出降齊金龜開瑞鈕寶翟上仙梯轉扇承宵月揚  
旌照夕蜺 劉禕之奉和太子納妃公主出降詩曰夢  
梓光青陞穠桃藹紫宮德優宸念遠禮備國姻崇萬戶  
聲明發三條葆吹通香輪送重景綵旆引仙虹 元萬

頃奉和太子納妃公主出降詩曰離光應春夕帝子降  
秋期鳴瑜合薦響比玉麗穠姿和聲躋鳳掖交影步鸞  
墀任知古奉和太子納妃公主出降詩曰帝子升青  
陞王姬降紫宸星光移雜珮月彩薦重輪龍旌翻地杪  
鳳管颺天濱槐陰浮淺瀨葆吹翼輕塵胡元範奉和  
太子納妃詩曰帝子威儀絕儲妃禮度一作慶優疊鼓陪  
仙觀凝笳翼畫輶鬱鬱神香滿奕奕彩雲浮排空列錦  
罽騰觀溢皇州金閨未息火玉樹鍾天愛月路飾還裝

星津動歸珮紫極流宸渥清規佇慈誨恩波洽九流光  
輝軼千載列席詔親賢式宴坐神仙聖文飛聖筆天樂  
奏鈞天曲池涵瑞影文字孕祥煙小臣同百獸率舞悅  
堯年 裴守真奉和太子納妃詩曰瑜珮升青殿穠華  
降紫微還如桃李發更似鳳凰飛金屋貞離象瑤臺起  
婺徽綵纓紛碧座績羽泛綸衣雲路移彤輦天津轉明  
鏡仙珠照乘歸寶月重輪映望園嘉宴洽主第歡娛盛  
絲竹揚帝薰簪裾奉宸慶叢雲藹曉光湛露晞朝陽天

文天景麗睿藻睿詞芳玉庭散秋色銀宮生夕涼太平  
超邃古萬壽樂無疆

增詔唐太宗冊太子妃詔曰配德元良必俟邦媛作儷  
諸貳允歸冠族祕書丞蘇亶長女門襲軒冕家傳義方  
柔順表質幽閑成性訓彰圖史譽流邦國正位儲闈實  
惟朝典可皇太子妃所司脩禮冊命主者施行

增冊文唐太宗冊太子妃文曰惟爾祕書丞蘇亶長女  
族茂冠冕慶成禮訓貞順自然言容有則作合春宮實

協三善曰嬪守器式昌萬乘備茲令典仰惟國章是用  
命爾為皇太子妃惟欽哉其光膺命可不慎歟

冊公主一

增詩序王姬下嫁于諸侯車服不係其夫下王后一等

下王后一等謂車乘厭翟服則褕翟疏曰王后五輅重翟為上厭翟次之六服褕衣為上褕翟次之天子尊無二上故其女可下王后一等若諸侯之女下嫁則從其夫之爵

漢制公主儀服同列

侯其尊崇者加號長公主儀服同藩王諸王女皆封鄉

亭翁主儀服同鄉亭侯

師古曰天子不親主婚故曰公主諸侯即自主婚故其女號翁



主翁者以列侯尚公主諸公主家令門尉皆屬宗正又父也

有主傳

東方朔傳昭平君醉殺主傳師古曰傳姆也

中府

東方朔傳館陶公主中府師古曰中

府掌金帛之藏

後漢制同前漢其皇女封公主者所生之子

襲母封為列侯皆傳國於後鄉亭之封則不傳襲唐

制公主皆封國視正一品太子女為郡主封郡視從一

品親王女為縣主正二品神龍二年勅公主府設官屬

鎮國太平公主儀比親王長寧安樂惟不置長史餘並

同親王景龍四年傳公主府依舊邑司慶隆元年六月

勅公主置府近有勅總停其鎮國太平公主府依舊

永淳

前公主食實戶不過二百而太平公主獨加五十聖歷時進及三千戶預誅二張功增號鎮國與相王均封五千薛武二家皆食實封主與相王衛王成王長寧安樂二公主給衛士環第十步一區持兵呵衛僭肖宮省神龍時與長寧安樂宜城新都定安金城凡七公主皆開府置官屬視親王安樂戶至三千長寧二千五百府不置長史宜城定安非韋后所生戶止二千凡公主封有以國名者鄖國代國

霍國是也有以郡名者平陽宣陽東陽是也有以美名者太平安樂長寧是也惟明皇之女皆以美名名之

開元禮冊公主設御幄於太極殿展宮懸鉞戟近仗入

陳於殿庭皇帝服通天冠絳紗袍即御座冊使等初入  
門舒和之樂作侍中宣制曰冊某公主命公等持節展  
禮中書令取公主冊授冊使前一日尚舍守宮設使者  
及冊案便次於光範門及長樂門外司贊設公主位於  
長樂門外內殿前又設內命婦陪位內謁者監先取冊  
案置於長樂門外近限公主花釵翟衣司言引就受冊  
位冊使副使等進就次尚儀率女史詣門昇冊案入司  
言贊公主再拜尚儀執冊跪讀公主受冊以授司言又

再拜在位皆拜內謁者監傳報冊使等詣太極殿前復

命

以上文獻通考

會要代宗嘉豐普寧二公主同降有司具

冊禮於光順門貞元元年嘉誠出降德宗幸望春亭臨

餞厭翟敝不可乘以金根代之

乘金根車自主始

四年二月

七日太常卿董晉奏八日正衙冊新都長公主開元禮

皇帝御正衙命使行冊禮陳樂懸貞元元年冊嘉誠二

年冊長林帝不御正殿不設樂遂爲故事新都以十日

下降宜前一日於光順門行五禮勅其日於光順門即

行冊禮

按傳新都貞元十二年下嫁具禮光順門五禮由是廢

二十一年四月

七日禮儀使奏舊制正衙命使使出含元殿西廊側門外登輅車從光範門入詣光順門進冊今請冊使出宣政門自興禮門出赴延英光順門進冊岐陽下嫁杜

宗帝為御正殿臨遣由西朝堂出復御延喜門止主車大賜賓從金錢開第昌化里疏龍首池為沼后家上尚父大通里亭為主別館會要元和九年公主出降神

策兵三百於光範門翼道京兆尹裴武為禮會使

以上玉海

會昌五年中書門下奏伏見公主上表稱妾李伏以  
臣妾之義取其賤稱家人之禮宜即區別公主上表請  
如長公主之例並云某邑公主第幾女上表郡縣主亦  
望依此例從之 宋公主冊禮嘉祐二年自文德殿奉  
冊印至內東門外禮直官引冊使副俱立東向位躬稱  
冊使王堯臣副使田況奉制授公主冊印內給事入詣  
公主前言訖出受冊印以授內謁者及主當內臣持冊  
印入內東門公主受訖升位引內命婦賀內給事引公

主謝皇帝皇后 嘉祐二年禮官言禮閣新儀公主出  
降前一日行五禮古者結婚始用行人告以夫家采擇  
之意謂之納采問女之名歸卜夫家廟吉以告女家謂  
之問名納吉今選尚一出朝廷不待納采又公主封爵  
已行誕告不得問名而卜之若納徵則既有進財請期  
則有司擇日宜稍依五禮之名存其物數俾知古者婚  
姻之事重而夫婦之際嚴如此亦不忘古禮之意也時  
兗國公主下嫁李璋詔俟出降日令夫家主婚者具合

用鴈帛玉馬等物陳於內東門外以授內謁者進入內  
中付掌事者受之其馬不入 宋公主沿襲漢唐或以  
美名或以國姊妹曰長公主諸姑曰大長公主至祖姑  
則或加兩國政和三年蔡京為相建議以為不典始改  
為帝姬以二字易國名四字易兩國名至中興時復故  
政和五年五月嘉德帝姬下嫁曹寅詔用新儀行盥  
饋之禮皇后宮闈送至第外命婦免從重和五年十一  
月蔡京請免茂德帝姬下降見舅姑行盥饋之禮詔不



允又詔神考治平間親灑宸翰以王姬下降躬行舅姑  
禮草去歷代沿習之弊以成婦道以風天下於是崇寧  
大觀以來詔有司講求典禮繼頒五禮新儀著為永法  
近聞徒有奉行之名而舅姑既不端坐返有下拜之禮

甚失本意可自今恪遵新儀

新儀見舅姑帝姬再拜奉  
案案服脩次醴婦盥饋饗

婦一如家人儀  
以上文獻通考

明冊公主洪武九年於乾清宮設儀

仗陳女樂上皮弁服中宮翟衣升御座女官充捧冊使  
者就殿上拜位傳制曰今冊長女為某公主命尚宮正

某行禮舉冊官以冊授使者使者受冊以詣華蓋殿公主服九翬四鳳冠翟衣立於殿西冊使至公主詣拜位冊使稱制宣冊官取冊立宣訖以授公主引禮就導引公主詣上前中宮前謝恩俱贊八拜公主授以金冊會典

冊公主二

增制唐蘇頲封常芬公主等制曰諸女皆封先王之制第二女等慶聯霄漢體自穠華常閱禮於后庭必聞詩於師氏朕撫臨億兆憲章古昔俾裂河山之賦用酬湯

沐之恩 孫逖封高都公主等制曰肅雍之範以成女  
德湯沐之賜爰著國章第十一女等生於公宮訓以師  
氏溫惠之性頗有天姿圖史之學仍聞日就初笄甫及  
外館將歸宜因待禮之期式脩疏封之典 又改封永  
昌公主制曰普寧公主天泉浴德崇蘭發彩纂組之華  
每工於經目保阿之訓深得於稚年禮必叶中言無出  
閭從容珩璜之韻婉婉柔嘉之儀而疏封舊邦禮宜改  
避是擇美邑再申異恩可改封永昌公主

增冊文唐開元二十五年冊信成公主文曰於戲易著  
于歸詩稱下嫁所以正風化厚人倫也咨爾信成公主  
淑慎由衷聰明形外訓以師氏頗詳環珮之儀修其婦  
功更習絃綖之藝日徵先近年及有行宜錫徽章俾膺  
茂典今遣使某副使其持節禮冊爾其光昭閭德弘長  
國風無怠厥心永綏介福可不慎歟 又冊昌樂公主  
文曰於戲好合之禮以正人倫肅雝之德用成婦道咨  
爾昌樂公主生知法度性與柔和亟聞彤史之言頗識

采蘋之事既閑內則式遵下嫁宜膺冊書之命以備車服之庸今遣使某副使某持節禮冊爾其欽崇四教承順六姻式是大邦受茲明命可不慎歟 又冊高都公主文曰於戲古之聖人垂訓作則必正內外之位以明婚姻之禮咨爾高都公主生於宮闕自稟幽閑之性教以師氏更彰柔順之則能循法度克慎言容魯館于歸沁園將啟宜膺冊命俾叶典章今遣使某副使某持節禮冊爾其自下於心增修厥德式瞻清懿永固恩榮可

不慎歟 開元二十六年冊永寧公主文曰人倫式叙  
以正國風女子有行將成婦道咨爾永寧公主自幼及  
長終溫且惠引圖史為鏡鑑用和柔為矜澤許嫁而笄  
既遵於彝典備物之冊宜承於寵命今遣使某持節禮  
冊爾其謙恭自下淑慎為先無忝公宮之教永貽邦媛  
之則 又冊臨晉公主文曰古之帝女下嫁諸侯以正  
婚姻之大綱昭肅雝之令德咨爾臨晉公主蹈和成性  
體順為心頗協生知之敏更承師氏之訓柔明益著淑

慎攸彰無四教而不違勤六行而無斁近日云吉嘉禮  
有期宜穆彝章載先冊命今遣使某持節禮冊爾其克  
遵法度用廣徽猷發明閭德垂範於後可不慎歟 貞

元元年冊嘉誠公主文

陸贄撰

曰王者以義睦宗親以禮

敦風化義之深實先於友愛禮之重莫大於婚姻故春  
秋書築館之儀易象著歸妹之吉予是用祇考令典率  
由舊章咨爾嘉誠公主孝友柔謙外和內睦公宮稟訓  
四德脩修今遣使某持節冊命爾往欽哉下嫁諸侯諒

爲古制肅雍之德見美詩人和可以克家敬可以行己

奉若茲道永孚于休懋敦王風勿墜先訓

文苑  
英華

冊拜諸侯王一

拜三公附

增洛誥王命周公後作冊逸誥 畢命序康王命作冊

畢 周語襄王使太宰文公及內史興賜晉文公命上

卿逆於境晉侯郊勞館諸宗廟饋九牢設庭燎及期命

於武宮晉侯端委以入太宰以王命命冕服內史贊之

三命而後即冕服既畢賓饗贈餞如公命侯伯之禮加



以宴好 祭統曰古者明君爵有德而祿有功必賜爵祿於太廟示不敢專也故祭之日一獻君降立阼階之南南鄉所命北面史由君右執策命之再拜稽首受書以歸而舍奠於其廟疏云王命羣臣則不因常祭之日特假於廟 春秋疏天子賜諸侯之命書傳無正禮惟文元年天王使毛伯來錫公命僖十一年傳王賜晉惠公命周語王賜晉文公命皆是即位而賜之又賜之以圭擬朝而合瑞諸侯即位禮必朝王即賜之命春秋之

時賜命禮廢惟文公即位而賜成公八年乃賜桓公追

賜

以上玉海

原後漢制拜諸侯三公之儀百官會位定謁

者引光祿勳前

丁孚漢儀云太常在蓋下東向讀文以此異也

謁者引當拜者

前當座伏殿下光祿勳前一拜舉手曰制詔其以某爲

某

按丁孚儀安帝策夏勤文曰維元初六年三月甲子制詔以大鴻臚勤爲司徒曰朕承天序維稽古建爾

於位爲漢輔往率舊職敬敷五教在乎寬允左右朕躬宣力四表保乂皇家於戲秉國之鈞方祗厥序時亮天

工可不慎歟勤其戒之此其例也

讀策書畢拜者稱臣再拜尚書郎以

璽印綬付侍御史前面立受璽印綬當受策者再拜頓

首三贊謁者曰某王臣某新封某公某初除謝中謁者  
報謹謝贊者立曰皇帝爲公興重坐受策者拜謝起就  
位禮畢 晉武帝咸寧三年始平濮陽諸王新拜有司  
奏依故事聽京城近臣諸王公主應朝賀者復上禮博  
士張放議臨軒遣使應作樂放按太始中皇太子冠太  
子進而樂作位定樂止王者諸侯雖殊尊卑至於禮秩  
或有同者冠之與拜俱爲嘉禮是以准昔儀注謂宜作  
樂今符云至尊受太子拜時無鐘磬之樂又按太始三

年有司奏皇太子明膺休命光啓嘉祚宜依漢魏故事  
太常王師等言拜三公應有樂宿設懸於殿庭今門下  
云非祭享則無樂按冠禮有樂公侯大臣御座爲起在  
輿爲下傳曰國卿君之貳也是以命使之日御親臨軒  
百寮陪位此即敬事之意也古者天子饗下國之使命  
將帥遣使臣皆有樂故詩序曰皇皇者華君遣使臣也  
又曰歌采薇以遣之出車以勞還杖杜以勤歸皆作樂  
而歌之今命大使拜輔相比於下國之臣輕重殊矣輕

誠有之重亦宜然博士考古以事義相准故謂臨軒遣  
使宜有金石之樂詔曰三公鼎司皇帝有興之禮何以  
不設樂又正位南面何以不服冕尚書顧和言臨軒拜  
三公不應有樂和云禮無其文按衛宏撰漢儀拜丞相  
亦無樂古之燕饗有樂者以暢賓主之歡耳今拜三公  
事畢於庭階禮成於拜立歡宴未交無事於樂又按六  
冕之服主於祭祀唯婚特用之他事未見服冕者故拜  
三公不應服冕 增南史褚淵爲錄尚書事有司疑立

優策尚書令王儉議中朝以來三公王侯則優策並設  
官品第二策而不優優者褒美策者無明委寄尚書職  
居天官政化之本故尚書令品雖第三拜必有策錄尚  
書事與本官同拜故不別有策即事緣情不宜均之凡  
僚宜有策書用申隆寄既異王侯不假優文從之

玉海

原北齊策諸王以臨軒日上水一刻吏部令史乘馬賁  
召板詣王第王乘高車鹵簿至東掖門止乘輅車既入  
至席尚書讀策以授王又授章綬事畢出輅車入鹵簿

乘高車詣閭闔伏闕表謝報訖拜廟還第即拜鴻臚卿  
持節吏部尚書授策侍御史授節使者受而出乘輅持  
節詣王第入就西階東面王入立於東階西面使者讀  
策博士讀板王俛伏三稽首還本位謝如上儀在州鎮  
則使者受節策乘車至州如王第諸王三公儀同尚書  
令五等開國太妃公主恭拜冊軸一枚長二尺以白練  
衣之用竹簡十二枚六枚與軸等六枚長尺二寸文出  
集書書皆篆字哀冊贈冊亦同諸王五等開國及鄉男

恭拜以其封國所在取社稷壇方面土包以白茅內青箱中函方五寸以青塗飾封授之以爲社 隋臨朝冊命三師諸王三公並陳車輅餘則不百司定列內史令讀冊訖受冊者拜受出又引次受冊者如上儀若冊開國郊社令奉茅土立於仗南西面每授冊訖授茅土焉 增唐開元禮臨軒冊命諸王大臣設御幄於太極殿北壁羣官次於朝堂大樂令展宮懸於殿庭諸衛列仗受冊者服朝服從第備鹵簿集朝堂次皇帝即御座受



冊者立於東北西面中書侍郎引冊按中書令稱有制  
受冊者再拜中書令讀冊訖受冊者進受持案者以案  
退冊三師三公親王皇帝服袞冕之服鼓吹令設十二  
案乘黃令陳車輅尚輦陳輿輦諸衛設黃麾半仗受冊  
者初入門舒和之樂作 會要貞觀八年勅拜三師三  
公尚書令雍州牧開府儀同三司驃騎大將軍左右僕  
射並臨軒冊授太子三少侍中中書令六尚書諸衛大  
將軍特進鎮國大將軍光祿大夫太子詹事九卿都督

及上州刺史在京者朝堂受冊光宅二年並停 大厯十四年五月臨軒冊尚父子儀於宣政殿自神龍以來冊禮久廢惟天寶末冊楊國忠爲司空至是復行貞元三年四月李晟拜太尉中書令帝坐宣政殿引見備冊禮受冊訖備羽儀乘輅謁太廟視事尚書省故事臨軒冊拜三公中書令讀冊侍中奏禮畢宰相攝之時宰相張延賞欲輕其禮令兵部尚書攝中書令左散騎常侍攝侍中臨軒冊命宰臣不親行事自此始 長慶二年

三月景辰守司徒裴度正衙受冊 太和四年裴度進

司徒表辭冊禮

宋朝親王大臣例辭冊禮

以上玉海

明

會典凡冊立親王洪武初皇帝預告太廟及期臨軒拜

冊年幼者則遣官保抱以從事

洪武三年冊封諸王時齊譚趙魯四王年幼皆

遣官齋冊寶授之

成化末年更定即日告內殿廷遣節使就各

王府冊立之罷預告臨軒之禮

### 冊拜諸侯王二

原冊文唐太宗冊梁州都督漢王元昌曰夫易陳利建

道貫三才傳稱夾輔業昌百代是以周之魯衛式固維城漢之梁趙克崇磐石惟爾幼聞教義器識聰敏早開土宇禮數優崇過矣南鄭襟帶西蜀按部之重茂親是用錫以茅土賦茲典冊爰誓山河永作藩屏朕聞曰事君盡禮資於孝敬為政以德始於仁厚故士無貴賤由之者揚名時無古今背之者汙行爾往欽哉去奢從儉遠佞尊賢克勤匪懈垂憲乃後可不慎歟 又冊荊州都督荆王元景曰夫建官之道實資明德列爵之義必

俟茂親故晉鄭佐周功宣於寅亮聞平輔漢業崇於藩  
屏惟爾業尚忠肅器懷恭懿幼稟庭訓早膺朝寵仁恕  
聞於封畿廉平著於方策荆衡作鎮江漢爲紀包括巴  
漢之域跨躡吳越之郊褰帷永詣分珪僉屬是用備茲  
令典錫以休命奄有楚甸代爲唐輔可不慎歟 增唐  
咸通三年冊魏王文曰夫翦珪分器事炳周經裂地疏  
封道光漢冊莫不克隆磐石作固本枝並建親賢以崇  
藩翰咨爾長男侑通輝日月稟慶霄漢蔭若木之凝華

派璿源之積潤早彰樂善之規夙有辨牘之智卓爾器  
度藹然徽猷宜荷寵章以開土宇今遣某官持節冊爾  
爲魏王於戲河外名都漳滏奧宅爾其竭奉上之孝敬  
慎臨下之儀刑守道宜鑒於遠名尊賢無忘於置醴用  
新魯衛之政以昭間平之德服我休命可不慎歟 又  
冊蜀王文曰夫堯序九族周列五等事高維翰道在睦  
親況居帝子之尊宜荷封王之典用彰慶羨以固洪基  
咨爾第三男佶騰英日域儲秀星樞已多秤象之能纔

是勝衣之歲靜不好弄言必成文曾無紉綺之心每服  
詩書之訓嘉其幼智錫以大封今遣某官持節冊爾爲  
蜀王爾其宅於坤維建諸赤社疏以江漢鎮以岷嶓列  
爲侯王邇我宮禁以謹恭而接下秉忠孝以律身服是  
寵光終於戒慎 光化元年冊雅王文曰周王之嗣分  
茅土者十五國漢景之代書簡冊者十三王朕以寡昧  
之資奉神靈之統每顧諸子實惟天休期訓導之將成  
諒封建之可享咨爾第十一男祺方當稚齒復在深宮

有知憂知懼之心見聞詩聞禮之志今遣某官持節冊  
爾為雅王於戲受冊之命重屬汝躬列聖在天百辟在  
位在天必聽在位必觀罔怠交修用承多祐

以上文  
苑英華

增制唐元和元年封鄧王等制曰昔周室制法備建宗  
盟漢室垂統畢封子弟其盛也二南教化首在國風其  
詳也九國土疆載在侯表朕嗣守丕業惟懷遠圖永言  
磐石之固宜秉价人之重男平原郡王寧等孝友忠敬  
溫文惠和稟其樂善之姿強於好古之學君親之教罔



敢失墜保傅之言亦惟佩服由是寡悔至於通方庶可  
膺茲典章列是藩屏疏爵以冠於侯伯分茅以賜於山  
川用明至公且協前訓宜令有司擇日備禮冊命 乾

寧元年封棣王等制曰我國家奄宅中區光啟祖業析  
圭胙土唯親與賢故本根茂而枝葉榮王室尊而屏藩  
壯肆予眇末叨獲纂承賴至道之元慈鍾列聖之餘慶  
顧茲肩嗣實謂蕃昌爰稽典謨用建邦土第三男相等  
皆生知孝敬志樂文儒問安靡曠於晨昏稟訓每由於

詩禮智有刺舟之妙辨多對日之奇是宜分以白茅錫  
其朱邸叶犬牙於漢制光麟趾於周詩於戲器以琢成  
道由學顯勉稟君親之教敬承友傳之規勿追平樂之  
歡無好任城之勇懋建厥德永孚於休

原奏陳尚書八座奏封鄱陽王伯山曰臣聞本枝惟茂  
宗周之業以弘磐石既建皇漢之圖斯遠故能協宣五  
運規範百王式固靈根克昌丕緒第三皇子伯山發睿  
德於齡年表奇姿於此日光昭丹掖輝映青闈而玉珪

未執金錫靡駕豈所以敦序維翰建樹蕃戚臣等參議  
宜封鄱陽王

增表宋王拱辰賀皇長子封公表曰建親授社屏翰於  
王家封子維城安疆於國幹誕揚休命敷告羣倫均海  
寓之歡心洽朝廷之大慶竊以宗藩錫瑞賢戚分疆周  
列侯邦半諸姬而啟土漢有天下非劉氏則不王皆所  
以滋大本枝維持京室綿鼎數於穹壤固廟祔於山河  
屬我熙朝益隆茂典

嗣立卜嗣

立長 立賢俱併入

原承

桃冢嫡承

纂服

禮纂乃祖服又曰纂乃考服

繼體

繼體而先職

前修

嗣德書

慶襲

賞延

賞延於世

統承

統承先王

世

及

禮大人世及

濟美

左傳世濟其美不隕其名

象賢

禮繼世以立諸侯象賢也

堂構

書若考作室其子乃弗肯堂矧肯構注言不能嗣父

弓冶

禮良冶之子必學爲裘良弓之

子必學

踐脩

書爾惟踐脩厥猷舊有令聞

負荷

左傳古人有言其父析薪其子

爲其

不克負荷

勸善

楚王曰子文無後何以勸善乃立其孫箴尹克黃

復始

左

公侯子孫

建德

左傳天子建德又曰選建明德以藩屏周

置善

置善則固

必復其始

尚年

左傳五叔無官豈尚年哉

序齒

嗣宗職

左傳使嗣宗職

守前列

嗣守前人成烈

續祖考

詩續戎祖考

世爵祿

諸侯之大夫不世爵祿又禮大夫不

世爵使以德爵以功注謂天子大夫也不世爵而世祿進賢也

長則順

左傳立長則順

外

而安

魏劉表字景升二子琦琮表愛琮而琦不自寧引諸葛亮上樓去梯曰可以言未亮曰君不見申生

在內而危重耳在外而安乎琦悟遂謀出守

龜有知

石祁子兆衛人以龜爲有知也詳佩玉注

筮何疑

衛孔成子筮立公子元遇屯史朝曰元亨又何疑焉屯象曰利建侯故成子立靈公元衛

靈公

桓母貴

公羊曰隱長又賢故大夫拔而立之何名桓母貴以不宜立立嗣以嫡不以賢立子以貴

不以長桓何以貴母貴也

瑶心狠

國語智桓子將以瑶爲後智果曰不如宵桓子曰宵也狠曰宵

之狼在面瑤之狼在心心狼敗國面狼不害若立瑤智宗必滅竟立瑤果滅智氏

智測藏符

史趙簡子曰吾藏寶符於常山先得者賞諸子馳至無所得無卹曰已得矣常山臨代代可取也簡子乃廢伯

魯而立無卹

哀辭佩玉

禮記衛石駘仲卒無適子有庶子六人卜所以爲後者曰

沐浴佩玉則兆五人者皆沐浴佩玉石祁子曰孰有執親之喪而沐浴佩玉者乎不沐浴佩玉石祁子兆衛人

以龜爲有知也

壓紐之祥

楚共王有寵子五人無適立焉以壁見羣望曰當璧而拜者神所立

也乃埋璧於太室之庭康王跨之靈王肘加焉子干子皆遠之平王幼抱而入再拜皆壓紐平王即公子棄疾

增規墨之兆

國語晉成公之生也其母夢神規其臀以墨曰使有晉國故名之曰黑臀

原無忌之弟好仁

左傳晉韓獻子告老公族穆子有廢疾將立之辭曰無忌不才讓其可乎

請立起也與田蘇游而曰好仁注無忌穆子名起無忌弟宣子也田蘇晉賢人也

周子之兄

無慧

左傳晉欒書中行偃弑厲公逆周子於京師而無慧立之周子有兄而無慧不能辨菽麥故不可立

增六順

君義臣行父慈子孝兄愛弟敬所謂六順也

五利

集苑

晉驪姬欲立奚

齊使優施飲里克酒為暇豫之歌曰人皆集于苑已獨

集于枯里克笑曰何謂苑何謂枯優施曰其母為夫人

其子為君可不謂苑乎其母既

居奇

史記子楚為秦質子於趙呂不

死其子又有謗可不謂枯乎

韋賈邯鄲見之曰此奇貨可居乃以千金西

原恭承

游事安國君及華陽夫人立子楚為適嗣

國命克紹家聲

榮分茅土

慶襲弓裘

食其舊

德纂乃前修

祿以勸賢

爵惟及嗣

臣能匡國

必酬世祿之勲 子合成家宜荷賞延之寵

廢嫡立庶 庶孽條併入

原嬖子 賤而有寵曰嬖 孽子 何休注公羊曰孽子賤 奪宗

匹嫡 左傳嬖子配嫡言如嫡也 增宣王立戲 魯武公以括與戲見王王立戲仲山

甫諫曰天子立諸侯而建其少是教逆也 臧孫立紇 季

子無適子訪於臧孫曰彌與紇吾皆愛之欲擇才焉而立之臧孫曰飲吾酒吾爲子立之季氏飲大夫酒臧孫

命北面重席新樽絜之召悼子降逆之及旅而召公鉏使與之齒注公彌公鉏悼子紇也 原仲子

舍孫 檀弓公儀仲子之喪檀弓免焉趨而就子服伯子於門右曰仲子舍其孫而立其子何也伯子曰仲



子亦猶行古之道也昔者文王舍伯邑考而立武王微子舍其孫腩而立衍也子游問諸孔子孔子曰否立孫

惠子廢嫡

司寇惠子之喪子游爲之麻衰壯麻經文子退扶適子南面而立曰虎也敢不復位

子游趨而就客位

楚舉恆少

左傳楚國之舉恆在少者

單劉贊私

子朝言單

劉贊私立少蓋

無卹母翟婢

史姑布子卿見無卹曰真將軍也趙簡子曰其

反詞以誣之

母賤翟婢也奚道貴哉子卿曰天所授也雖賤必貴

田文母賤妾

史田嬰有子四十餘人其

賤妾有子名文名聲聞於諸侯諸侯皆使人請嬰以文爲太子是爲孟嘗君

廢嫡立庶二

增辨陳祥道禮書辨嫡上篇曰春秋左氏傳曰太子有

母弟則立之無則立長年鈞擇賢義鈞則卜又曰王后  
無嫡則擇立長年鈞以德德鈞以卜以謂太子死而無  
後則立嫡子之母弟以其猶出於嫡室也無母弟則立  
庶長以其不得已而立妾子之長也立妾子之長則無  
間於貴賤公羊曰立適以長不以賢立子以貴不以長  
桓何以貴母貴也何休曰禮嫡夫人無子立右媵子右  
媵無子立左媵子左媵無子立嫡姪弟子嫡姪弟無子  
立右媵姪弟子右媵姪弟無子立左媵姪弟子不識何

據云然耶夫嫡室所以配君子奉祭祀者也媵與姪娣所以從嫡室廣繼嗣者也故內則以冢子母弟爲嫡子書以母弟與王父同其重則太子死而無後立太子之母弟可也均妾庶也而立其母之貴者可乎左氏曰非嫡嗣何必娣之子又曰王不立愛公卿無私蓋言此也下篇曰木之正出爲本旁出爲枝子之正出爲嫡旁出爲庶故伐枝不足以傷木伐其本則木斃矣廢庶不足以傷宗廢其嫡則宗絕矣本固而枝必茂嫡立而庶

必寧此天地自然之理也先王知其然於是貴嫡而賤庶使名分正而不亂爭奪息而不作故子生則冢子接以太牢庶子少牢冢子未食而見庶子已食而見冠則嫡子於阼階庶子於房外死則嫡子斬庶子期其禮之重輕隆殺如此豈有他哉以其傳重與不傳重故也禮曰庶子不祭祖明其宗也又曰庶子不祭禰明其宗也史曰父不祭於支庶之宅君不祭於臣僕之家此嫡庶之分不可不辨也昔公儀仲子舍孫立子而檀弓弔以

免司寇惠子舍嫡立庶而子游弔以麻衰皆重其服以  
譏之欲其辨嫡庶之分而已春秋之時宋宣公舍子與  
夷立弟穆公穆公又舍子馮立與夷而與夷卒於見殺  
莒紀公黜太子僕愛季佗而卒於召禍晉獻公殺世子  
申生立奚齊而卒以亂晉齊靈公廢太子光立公子牙  
而卒以亂齊蓋嫡一而已立之足以尊正統而一人之  
情庶則衆矣立之則亂正統而啓覬覦之心宋莒齊晉  
之君不察乎此每每趨禍良可悼也

爲人後一

增漢宣帝即位詔議故皇太子謚號置園邑有司奏禮  
爲人後者爲之子也故降其父母不得祭尊祖之義也  
陛下以孝昭帝後承祖宗之祀親謚宜曰悼母曰悼后  
比諸侯王園置奉邑三百家故皇太子謚曰戾置奉邑  
二百家史良娣曰戾夫人置守冢三十家後八歲有司  
復言禮父爲士子爲天子祭以天子悼園宜稱尊號曰  
皇考立廟因園爲寢以時薦享尊戾夫人曰戾后益置

奉園戶

文獻通考

成帝綏和元年議立嗣皆以爲禮曰昆

弟之子猶子也爲其後者爲之子也定陶王宜爲嗣孔  
光獨以爲立嗣以親兄終弟及尚書盤庚殷之及王也

中山王帝親弟宜爲嗣上以中山王不材又禮兄弟不  
得相入廟不從光議立定陶王欣爲皇太子上以太子  
既奉大宗後不得顧私親立楚孝王孫景爲定陶王以

奉共王後

通鑑

哀帝立郎中令冷褒黃門郎段猶等奏

言宜爲共皇立廟京師大司空師丹以爲不可曰禮爲

人後者爲之子故爲所後服斬衰三年而降其父母期  
明尊本祖而重正統也陛下旣繼體先帝特重大宗承  
宗廟天地社稷之祀義不可復奉定陶共皇祭入其廟

平帝元始中王莽奏本始元年丞相義等議

蔡義諡也

孝宣皇帝親曰悼園置邑三百家至元康元年丞相相

等奏

魏相也

父爲士子爲天子祭以天子悼園宜稱尊號

曰皇考立廟益奉園民滿千六百家以爲奉明縣臣愚  
以爲皇考廟本不當立累世奉之非是謹與大司徒晏



等也平晏百四十七人議皆曰孝宣皇帝以兄孫繼統爲

孝昭皇帝後案義奏親諡曰悼裁置奉邑皆應經義相  
奏悼園稱皇考立廟益民爲縣違離祖統乖謬本義父  
爲士子爲天子祭以天子者乃謂若虞舜夏禹殷湯周  
武漢之高祖受命而王者也非謂繼祖統爲後者也請  
皇高祖考廟奉明園毀不修奏可 光武帝建武三年  
立親廟雒陽祀父南頓君以上至舂陵節侯十九年五  
月中郎將張純與太僕朱浮奏言禮爲人後者則爲之

子既事大宗則降其私親今禘祫高廟陳敘昭穆而春陵四世君臣並列以卑厠尊不合禮意昔高祖以自受命不由太上宣帝以孫後祖不敢私親故爲父立廟獨羣臣侍祠臣愚謂宜除今親廟以則二帝舊典詔下公卿大司徒戴涉大司空竇融議宜以宣元成哀平五帝四世代今親廟宣元皇帝尊爲祖父可親奉祠成帝以下有司行事別爲南頓君立皇考廟其祭上至春陵節侯羣臣奉祠詔可

魏明帝太和三年詔曰禮王后無

嗣擇建支子以繼大宗則當纂正統而奉公義何得復  
顧私親哉漢宣繼昭帝後加悼考以皇號哀帝以外藩  
援立而董宏等稱引亡秦惑誤朝議遂尊恭皇立廟京  
師又寵藩妾使比長信僭差無禮人神弗祐罪師丹忠  
正之諫致丁傳焚如之禍自是之後相踵行之其令公  
卿有司深以前世爲戒後嗣萬一有由諸侯入奉大統  
則當明爲人後之義敢爲邪佞導諛君上妄建非正之  
號謂考爲皇稱妣爲后則股肱大臣誅之無赦其書之

金策藏之宗廟是後高貴常道援立皆不外尊及晉愍  
帝建興四年司徒梁芬議追援之禮帝既不從而右僕  
射索琳等亦稱引魏制以爲不可故追贈吳王爲太保  
而已 宋英宗治平初宰臣韓琦等奏請下有司議濮  
安懿王典禮詔翰林學士王珪等集議相顧不敢先知  
諫院司馬光獨奮筆立議濮王宜稱皇伯而不名王珪  
敕吏以光手藁爲案議上歐陽修以爲自古無以所生  
父改稱伯者珪等言非是中書奏孝宣光武皆稱父爲

皇考太后聞之手詔詰責輔臣以不當議稱皇考上詔  
宜權罷議令有司博求典故務合禮經判太常寺范鎮  
率禮官上言陛下既考仁宗又考漢王其議未當具列  
儀禮及漢儒議論魏明帝詔爲五篇奏之於是臺官自  
中丞賈黯以下各有奏皆留中不報司馬光又上言曰  
向詔羣臣議漢安懿王典禮王珪等二十餘人皆以爲  
宜准先朝封贈期親尊屬故事凡兩次會議無一人異  
辭而政府之意獨欲尊漢王爲皇考巧詞飾說惑誤聖

德政府言儀禮本文五服年月敕皆云爲人後者爲其  
父母之服者不謂之父母不知如何立文此乃政府欺  
罔天下之人謂其皆不識文理也又言漢宣帝光武皆  
稱其父爲皇考臣案宣帝承昭帝之後以孫繼祖故尊  
其父爲皇考而不敢尊其祖爲皇祖者以與昭帝同昭  
穆也光武起布衣誅王莽冒矢石以得天下名爲中興  
其實創業雖自立七廟猶非太過況但稱皇考其謙損  
甚矣今陛下親爲仁宗之子以承大業傳曰國無二君

家無二尊若復尊濮王爲皇考則置仁宗於何地乎三年乃詔立濮王園廟以宗樸爲濮國公奉濮王祀先是太后手書濮安懿王譙國太夫人王氏襄國太夫人韓氏仙遊縣君任氏可令皇帝稱親尊王爲濮安懿皇譙國襄國仙遊並稱后上手詔謹遵稱親而不敢當追崇之典侍講呂公著復上言稱親之說乃漢史皇孫故事宣帝爲昭帝後是以兄孫遙嗣祖統無兩考之嫌故且稱親其後旣立謚只稱悼園今陛下以旁支繼大統建

立園廟以王子承祀於濮王無絕父之議於仁宗無兩考之嫌可謂無得其親字既稱謂難立且義理不安乞寢罷不報 明世宗初即位命禮官集議興獻王典禮尚書毛澄等議漢成帝立定陶王爲嗣而以楚王孫後定陶師丹以爲得禮今上入繼大統宜以孝宗爲考興獻及妃爲皇叔父母祭告上箋稱姪署名而令益王子崇仁王後興國上曰父母可移易乎命再議大學士楊廷和等復言程顥濮議最得義禮之正皇上采而行之



可爲萬世法不聽時進士張璉上疏言漢哀宋英皆預立爲皇嗣養之宮中是明爲人後者故師丹司馬光之論施於彼時猶可今武宗遺詔直曰興獻王長子倫序當立初未嘗明著爲孝宗後故皇上爲繼統武宗而得尊崇其親則可謂繼嗣孝宗以自絕其親則不可復與桂萼疏言考孝宗非是以伯孝宗而考興獻爲正三年九月遂改稱孝宗爲皇伯考昭聖皇太后爲皇伯母獻皇帝主別立禰廟十七年因同知豐坊言奉獻皇帝爲

睿宗九月大享上帝奉睿宗祀

為人後二

原置後

無子則為之置後

卜後

禮卜所以為後者

求喬為後

蜀諸葛喬

字伯松瑾第三子本字仲慎亮未有子求喬為後瑾啟吳王而遣之以為嫡故改其字喬子攀亮後自有子攀

還復為

以恭為嗣

後漢伏恭字叔齊湛之兄子湛弟黯字稚文治齊詩位至光祿勳無

子以恭

少繼從父

宋書謝弘微本名密年十歲出繼從叔父峻

長還本

為嗣

生

晉皇甫謐字士安漢太尉嵩之曾孫也出繼叔父從居新安謐年四十叔父有子謐喪本生遂還其父

兄弟承襲

封爵令王公以下無子孫以兄弟為後生經侍養者聽承襲若死王事雖不經侍養

亦聽承襲

養子襲爵

後漢順帝聽中官以養子爲後代封襲爵

不與射

孔子射於

矍相之圃蓋觀者如堵牆使子路執弓矢出延射曰賁軍之將亡國之大夫與爲人後者不入

不別

籍

晉殷仲堪臨荊州有子孫繼親族無後者惟令主蒸嘗不聽別籍以避役也

增姪孫爲

後

事文類聚唐白樂天無子以姪孫阿新爲之後

兄子爲後

宋司馬光以兄子康爲嗣

### 爲人後三

增議宋司馬光濮安懿王典禮議曰謹按儀禮喪服爲

人後者傳曰何以三年也受重者必以尊服服之爲所

後者之祖父母妻妻之父母昆弟昆弟之子若子若子

者皆如親子也又爲人後者爲其父母傳曰何以期也  
曰不貳斬也特重於大宗降其小宗也又爲人後者爲  
之子不敢復顧私親聖人制禮尊無二上若恭愛之心  
分施於彼則不得專一於此故也是以秦漢以來帝王  
有自旁支入承大統者或推尊父母以爲帝后皆見非  
當時取譏後世臣等不敢引以爲聖朝例況前代入繼  
者多宮車晏駕之後援立之策或出母后或出臣下非  
如仁宗皇帝年齡未衰深維宗廟之重祇承天地之意

於宗室衆多之中簡拔聖明授以大業親爲先帝之子  
然後繼體承祧永有天下漢安懿王雖於陛下有天性  
之親顧復之恩然陛下所以負宸端冕富有四海子子  
孫孫萬世相承者皆先帝之德也臣等切以爲今日所  
以崇奉漢安懿王典禮一準先朝封贈期親尊屬故事  
考之古今實爲宜稱 劉敞爲兄後議曰禮天子之廟  
三昭三穆與太祖而七諸侯二昭二穆與太祖而五所  
謂昭者父道也所謂穆者子道也天子諸侯未必皆身

有子故或取於兄弟之子以為嗣親同則取其賢者賢  
同則取其長者長同則卜其吉者非兄弟之子則弗取  
故不以諸父爲嗣兄亦尊也不以諸弟爲嗣弟已之倫  
也此古者七廟五廟之序所以昭穆不相越迭毀不相  
害也至於後世國家多事或傳之諸兄或傳之諸弟蓋  
有不得已者焉則禮散久矣然既已受國家天下則所  
傳者雖非子亦猶子道也傳之者雖非父亦猶父之道  
也以天下國家爲重矣春秋僖公實閔公之兄閔公遭

弑僖不書即位明臣子一體也公孫嬰齊卒春秋謂之  
仲嬰齊以謂爲人後者爲之子當下從子例不得復顧  
兄弟之親稱公孫也春秋之義有常有變夫取後者不  
得取兄弟此常也既已不可及取兄弟矣則正其禮使  
從子例此變也故僖公以兄繼弟春秋謂之子嬰齊以  
弟繼兄春秋亦謂之子所謂常用於常變用於變者也  
旣正其子名則僖公不得不以閔公爲昭歸父不得不  
以嬰齊爲穆旣正其昭穆則迭毀之次不得不以一代

一也而儒者或疑禮無後兄弟之文遂以春秋書仲嬰齊為不與子為父孫非也子為父孫誠非禮之正有不得已者春秋正其為臣子一體而已故實公孫嬰齊而謂之仲嬰齊若春秋本不聽其為後者則當書曰公孫嬰齊卒學者問之曰此仲嬰齊曷為謂之公孫嬰齊不與為兄後也乃可矣夫春秋家猶重之況國乎國爾猶重之況天下乎故凡繼其君雖兄弟必使子之繼其大宗雖兄弟必使子之如繼其君繼其大宗而不使子是



教不子而輕其所托也此文仲所以受逆祀之貶也然  
春秋固爲衰世法非太平正禮也太平之世未嘗有也

致堂胡氏曰禮曰爲人後者爲其父母降不敢貳尊  
也既名其所後爲父母則不得名其所生曰父母矣而  
禮有爲其父母降是猶以父母名之何也此所謂不以  
辭害意也立言者顧不可曰爲其伯父伯母叔父叔母  
降故假曰父母以明當降之義降則不可名之曰父母  
矣宣帝初有司奏請戾太子及悼后之謚首言爲人後

者云云皆是也而中有稱親之言則非也夫親深言之則非父不可當若曰文王之爲世子有父之親是也泛言之則所厚者皆可稱若曰親者無失其爲親是也有司之言果何從歟若避曰考故以親言是疏之也知其不可稱考而姑曰親以包舉之是不正名亦疎之也以其不得於言知其不契於理既爲伯叔父母之後而父母之則當降所生父母而伯叔父母之昭昭然矣

馬氏曰胡

氏之說辨則辨矣而施之宣帝之世則不可敢問宣帝而欲稱其所生之父母也將爲伯父乎爲叔父乎於所

後父為兄則伯父也於所後父為弟則叔父也而宣帝則有所後祖無所後父者也不得其所後之父而父之則何以稱其所生之父乎先是昌邑王以兄子入繼則考昭帝可也昌邑廢矣宣帝姑以兄孫入繼當時惟言嗣孝昭皇帝後而已則未知其為子乎為孫乎必也升一等而考昭帝則又將降一等而兄史皇孫矣不可乎有司未有所處姑緣其所父直稱之曰皇考而已故曰胡氏辨則辨矣施之宣帝之世則不可

胡

氏又曰西漢自孝成而後三世無嗣王莽篡時漢祚既絕光武平禍亂奮然崛起雖祖高祖而帝四親非與哀朝尊崇藩統同事於義未有大不可者然一聞張純等議斷然從之曾無留難章陵四祠蔑有異等寡恩之譖

既不聞於當年失禮之議又不生於後代以是較之宣  
哀過舉益明而禮所載爲人後者爲其父母降而不得  
祭豈可違而不守哉

以上文  
獻通考

增解辨明薛蕙爲人後解曰禮之所以立後曰重大宗  
也小宗無子以爲可以絕者也故不爲之立後大宗無  
子不可以絕故立後以繼之小宗不可擬大宗故曰重  
大宗也曷爲後大宗不後小宗重本也大宗者祖之正  
體也本也小宗者祖之旁體也支也本存而支亡亡而

猶存也尊者存焉耳本亡而支存存而猶亡也存者微矣是故小宗無後祖不絕大宗無後祖絕矣禮之後大宗不後小宗重絕祖也雖然大宗者卿大夫之禮也古者公子爲卿大夫及始仕而爲大夫者謂之別子繼別子者謂之大宗故曰大宗者卿大夫之禮也此卿大夫也而不可絕益知天子之不可絕矣大宗者繼別云爾曰尊之統也收同族云爾曰收族者也天子之統受之始祖始祖受之天不啻尊之統也內治同姓外治異姓

不啻收族者也甚大宗矣是故不可絕也故天子無嗣  
建支子以後天子禮也支子後天子適子不爲後乎禮  
之正者支子爲後禮之變者適子亦爲後矣何言乎禮  
之變者適子亦爲後適子不爲後者非他也傳小宗之  
統焉耳明小宗之統爲重也益知天子之統爲尤重矣  
故適子可以後大宗可以後大宗斯可以後天子矣天  
子者始祖之體大統之所在尊則無上親則本始也諸  
侯雖有尊焉不敢信其尊矣雖有親焉不敢專其親矣

信其尊嫌於貳君專其親嫌於貳祖故諸侯嫡子後天子者不敢遂其尊親也尊親者人之至重也然而不敢遂焉示猶有至重者也繼大統者因斯舉也而知其所由來則可以事天可以保宗廟可以有天下是故明於爲人後之義者措諸天下無難矣 又爲人後辨曰陛下繼祖體而承適統合於為人後之義坦然明白廼有二三臣者詭經畔禮以惑聖聽其曰陛下為獻帝不可奪之嫡嗣按漢石渠議曰大宗無後族無庶子止有一

適子當絕父祀以後大宗否戴聖曰大宗不可絕禮言  
適子不為後者不得先庶子耳族無庶子則當絕父以  
後大宗晉范汪曰廢小宗昭穆不亂廢大宗昭穆亂矣  
豈得不廢小宗以繼大宗乎此二說者其亦得禮意矣  
夫謂得禮意者以其別祖禰之統權大宗小宗之輕重  
而達於立後之義也蓋人子雖有適庶其親親之心一  
也而禮適子不為後庶子得為後者此非親其父母有  
厚薄也直繫於傳重收族不同耳今之言者不推本祖



禰惟及其父母而止此弗忍薄其親而忍遺其祖也其  
曰爲人後者爲之子乃漢儒邪說此踵歐陽脩之謬也  
夫爲人後爲之子其言出於公羊固漢儒所傳者然於  
儀禮實相表裏古今以爲折衷未有異論者也藉若脩  
之說其悖禮甚矣禮爲人後者斬衰三年此子於父母  
之喪也以父母之喪服之不曰爲之子而何其言之悖  
禮一也傳言爲所後者之祖父母妻妻之父母昆弟昆  
弟之子若子其若子者由爲之子故爾傳明言若子今

顧曰不爲之子其言之悖禮二也爲人後者不爲之子然則稱謂之間將不曰父而仍曰伯父叔父乎其言之悖禮三也又立後而不爲之子則古立後者皆未嘗實子之而姑僞立是人也是聖人僞教人以立後而實則無後焉耳其言之悖禮四也夫無後者重絕祖考之祀故立後以奉之今所後既不得而子則祖考亦不得而孫矣豈可以入其廟而奉其祀乎其言之悖禮五也由此觀之名漢儒以邪說無乃其自名也抑二三臣者亦

自度其說之必窮也於是又爲遁詞曰夫統與嗣不同  
陛下之繼二宗當繼統而不繼嗣此一言者將欲以盡  
廢先王爲人後之義歟則尤悖禮之甚者也夫禮爲大  
宗立後者重其統也重其統不可絕廼爲之立後至於  
小宗不爲立後者統可以絕則嗣可以不繼也是則以  
繼統故繼嗣繼嗣所以繼統也故禮爲人後言繼嗣也  
後大宗言繼統也統與嗣非有二也其何不同之有自  
古帝王入繼者必明爲人後之義而後可以繼統蓋不

爲後則不成子也若不成子夫安所得統而繼之故爲後也者成子也成子而後繼統又將以絕同宗覬覦之心焉聖人之制禮也不亦善乎抑成子而後繼統非獨爲人後者爾也禮無生而貴者雖天子諸侯之子苟不受命於君父亦不敢自成尊也春秋重授受之義以爲爲子受之父爲臣受之君故穀梁子曰臣子必受君父之命斯義也非直尊君父也亦所以自尊焉耳今說者謂倫序當立斯立已是惡知禮與春秋之意哉若夫前

代之君間有弟終而兄繼姪終而伯叔父繼者此遭變  
不正者也然多先君之嗣先君於已則考也已於先君  
則子也故不可考後君而亦無兩統二父之嫌若晉之  
哀帝唐之宣宗是已其或諸侯之嗣則未有仍考諸侯  
而不考天子者也陛下天倫不先於武宗正統不自於  
獻帝是非予奪至為易辨而二三臣者猥欲比於遭變  
不正之舉故曰悖禮之尤者也

異姓為後一

原衛繼

白帖兄弟五人為縣功曹縣長張君無子

陳

矯

晉書陳審父矯魏司徒本廣陵劉氏為外祖陳氏所養因而改焉及其薨劉氏弟子疑所服以問王肅答

曰昔陳司徒喪母諸儒陳其子無服甚失理矣為外祖父母小功此以異姓而有服者豈可以母之所生反重於父之所生不亦左乎為人後者其婦為舅姑大功婦他人也猶為夫故父母降一等祖至親也而可以無服乎推婦降一等則子孫

莒人滅鄆

穀梁注莒是鄆甥立以為後非其族

宜依本生而降一等

冠子繼劉

蜀劉封本羅侯冠氏之子先主至荊州未有繼嗣養封為

祀故言減

姊子為嗣

吳朱然本姓施氏朱治姊子初治未有子然年十三啓孫策乞為嗣然為治行

服訖乞依本姓不許然子復為施氏也

外孫奉後

晉書賈充妻郭槐性妬忌子黎民年三歲

見充入喜充就而拊之槐謂充私乳母鞭殺之黎民念  
戀死充遂無嗣及堯槐以外孫轉謚為黎民子奉充後  
表陳是充遺意詔曰外孫骨肉至近推恩計情合  
於人心其以謚為嗣自非功如太宰不得以為比  
庇

身他族 忘情本根 家立異姓為後則曰亡 國立

異姓為後則曰滅

非其祖以蒞祭祀滅亡之道也

異姓為後二

原議後漢吳商異姓為後議曰或問以異姓為後然當  
還服本親及其子當又從其父而服耶將以異姓而不  
服也答曰神不歆非族明非異姓所應祭也頃世人無

後並取異姓以自繼然本親之服骨血之恩無絕道也  
異姓之義可同於女子出適還服本親皆降一等至於  
其子應從服者亦當同於女子之子從於母而服其外  
親今出為異姓作後其子亦當從於父母服之也父為  
所生父母周子宜如外祖父母之加也其昆弟之子父  
雖服之大功於子尤無尊可加及其姊妹為父小功則  
子皆宜從於異姓之服不得過緦麻也范甯與謝安書  
曰稱無子而養人子者自謂同族之親豈施於異姓今



世行之甚衆是謂逆人倫昭穆之序違經典紹繼之義也  
魏時或爲四孤論曰遇兵饑饉有賣子者有棄溝壑者有生而父母亡無總親其死必者有俗人以五月生子妨忌之不舉者有家無兒收養教訓成人或語汝非此家兒禮異姓不爲後於是便欲還本姓爲可然否  
博士田瓊議曰雖異姓不相爲後禮也家語曰絕嗣而後他人於理爲非今此四孤非故廢其家祀既是必死之人他人收養以活且褻如長養於褻便稱曰褻姓無

常也其家若絕嗣可四時祀之於門戶外有子可以爲  
後所謂神不歆非類也大理王朗議曰收捐拾棄不避  
寒暑且救垂絕之氣而肉必死之骨可謂仁過天地恩

踰父母者也吾以爲田議是矣

徐幹曰祭所生父母於門外不如左右邊特爲

立宮室別祭也

王修議曰當須分別此兒有識未有識耳有識

以往自知所生雖創更生之命受養育之慈枯骨復肉  
亡魂更存當以生活之恩報公姬不得出所生而背恩  
情報生以死報施以力古之道也軍謀史于達叔議曰

此四孤者非其父母不生非遇公嫗不濟既生既育由  
於二家棄本背恩實未之可子者父母之遺體乳哺成  
人公嫗之厚恩也棄絕天性之道而戴他族不為逆乎  
鄭伯惡姜氏誓而絕之君子以為不孝及其復為母子  
傳以為善今宜謂子竭其筋力報於公嫗育養之澤若  
終為報父在為母之服別立宮宇而祭之畢已之年也  
詩云父兮生我母兮鞠我今四子服報如母不亦宜乎  
愛敬哀戚報惠備矣

按崔凱喪制駁曰以為宜服  
齊緣周方之繼父之同居者

宋

庾蔚之議曰四孤之父母是事

反五愛


不得存養其子

豈不欲子之活推父母之情豈不欲與人為後而苟使其子不存耶如此則與父命後人亦何異既為人後何不戴其姓神不歆非類蓋捨己族而取他族為後若己族無所取後而養他子者生得養己之老死得奉其先祀神有靈化豈不嘉其功乎唯所養之父自有後而本絕嗣者便當應還本其宗祀服所養父母依繼父齊縗周若二家俱無後則宜傳所養家依為人後服其本親

例降一等有子以後其父未有後之間別立室以祭祀是也 增宋北溪陳氏曰神不歆非類民不祀非族古人繼嗣大宗無子則以族人之子續之取其氣脈相爲感通可以嗣續無間此亦至正大公之舉而聖人所不諱也後世理義不明人家以無嗣爲諱不肯顯立同宗之子多是潛養異姓之兒陽若有繼而陰已絕矣蓋自春秋鄆子取莒公子爲後故聖人書曰莒人滅鄆非莒人滅之也以異姓主祭祀滅亡之道也秦以呂政絕晉

以牛睿絕亦皆一類然在今世論之立同宗又不可泛  
蓋姓出於上世聖人之所造正所以別生分類自後有  
賜姓匿姓者又皆混雜故立宗者又不可恃同姓爲憑  
須擇近親有來歷分明者立之則一氣所感父祖不至  
失祀今世多有以女子之子爲後以姓雖異而有氣類  
相近似勝於姓同而屬疎者然賈充以外孫韓謐爲後  
當時太常博士秦秀已議其昏亂紀度是則氣類雖近  
而姓氏實異此說亦斷不可行

性理大全



御定淵鑑類函卷一百七十七